

國
朝
詩
鐸

國朝詩鐸卷二十

錢唐張應昌仲甫

忠臣

忠孝節義之什稿集志乘所載塞乎兩間

輯錄爲國朝詩正氣集有數十卷擬擇其尤者選入此編乃遭劫燬并原采書亦全失今覓書補選甚艱就舊選者以僅存之書撮補挂漏多矣

忠臣敬錄國朝諸公其歌詠勝朝末年殉節者不錄孝義節烈之人采錄亦如之

王虎子歌

虎子諱起彪錢唐人順治丁亥進士授江西德興令甫蒞任隣寇擁衆襲破被

執不屈遇害詳本傳

楊雍建

天界完節兮毓德錢江春秋大義兮明白雞窗百里之
寄兮身入危邦亂賊蠡涌兮倉卒紛龐白刃環向兮劍
戟相撞從容致命兮誓不肯降氣塞蒼冥兮碧血滿腔

日星燦燦兮流水龍龍

陳僉憲殉節詩

諱丹赤閩縣人官溫處道僉事總兵祖宏勲叛應閩變死之贈通政

使諡忠毅

王士正

爭飛海水動妖氛大節堂堂獨不羣
眞見司農生擊賊還同車右死鳴君
赤城地遠埋殘骨朱鳥魂歸哭陣雲
他日東甌應廟食靈旗風雨夜深聞

楊僉憲闔門殉節詩

諱三知良鄉人神木道僉事參將孫崇雅叛同妻妾二女

赴井死贈光祿卿

又

西來鼙鼓震秦川神木城頭火夜然
直向重泉尋八口居然一死動三邊
飛書大將論功日嚙齒孤城入地年

髣髴井幹明月下苔痕零落聽啼鵑

劉富川殉節詩

諱欽廬陵人任富川知縣粵西孫延齡叛罵賊殉節贈太僕少卿

賜諡忠節

又

白沙江上別蒼茫憶爾廬陵節義鄉萬里青燐連桂管
三年碧血照清湘烏啼濺淚逢寒食馬革驚心裏戰場
望斷銘旌何處是蕭梧愁絕暮雲黃

蘭谿丞徐君殉節詩

諱肅廣昌人浙寇陷武康署縣事懷印死之贈按察僉事

又

連城大帥豎降幡獨有微官死報恩故印猶存同杖節
巫陽無地與招魂雙松幾歲哦廳事大鳥何年立墓門

聞道荒城還渴葬怒潮穿脇越江昏

定邊堡守備劉君夫婦殉節詩

諱士英朱龍據堡以叛與妻妾俱死

之贈拜他喇布勒哈番世襲

又

河套南來花馬池嚴城一夕滿旌旗驚傳絕塞豺狼窟
坐失三軍熊豹姿恤緯孤忠留婦女成仁浩氣屬偏裨
高牙大纛工翻覆請視劉君墮淚碑

贈太僕卿高忠烈公挽詩

諱大爵建昌守殉難閩中

宋 犖

烏石峯高穴猛虎赤狐跳踉黃狻舞血牙嚙炙氣益龔
紅帕抹首錦纏股妖氛一夜連汀漳盱黎城邊波沸湯
太守弓刀夜乘障不識眞卿作何狀七尺誓與孤城俱

變生肘腋誰周防

去聲

嗚呼南入眞男兒壯士隱忍欲有

爲不成死耳肯作賊銜鬚茹刃甘如飴璽書褒忠主

恩厚汗青焯焯行不朽顏舌段笏今有無杏山鐵漢建

昌守

附胡高望題高忠烈公傳後詩

采風雨度經盱水山高水清風俗美寒雲莽莽萬年
橋忠烈聲名照青史史稱大節殉此城孽藩倂撥連
虵豕自云守土十六年百戰金瘡甘誓死外援未應
內訌生遂繫南冠園土裏畢命從容謀泄時顏常山
舌睢陽齒惟公起家自明經歷典州郡民樂只電掃
黃巾定黑山撫循到處蘇瘡痍平生經濟本經術正
氣歌成誰與比聖代褒忠有殊典易名言秩馨香
祀哲嗣趨朝相業隆更傳世錫尚書履文孫今又守
西江人識名駒咸志喜其傳文武忠孝家煌煌偉行
紀從頭

范忠貞公祠

公贈官保兵部尚書嗣君
督閩浙亦官大司馬鮑

鈐

當年閩海見傳烽
犀兕空多棄甲重
大節並推顏魯國
孤忠直繼段司農
碑題峴首留殘碣
世握兵符踵舊封
應與睢陽同廟食
堂堂授命盡從容

江西新昌典史諸公死事詩

蔣士銓

雲南反江西亂軍民逃官吏竄會稽人諸士英尉新昌
有妻傅有母王有三子一女有僕諸福臧獲良母年八
十兒年四十九孤城如斗兒獨守力盡被賊縛罵賊不
絕口啖以冠帶怖以刃妻子悲啼一何有賊曰降不降
公曰殺便殺箠挺交下血肉飛凜乎臣節不可拔臨刑

口占二十字就義從容持定志明日母卒列兩轎贈秩
主簿遣官祭妻子飢寒留異地三年求乞骨始歸忠臣
官小傷如是烏虜幼慕文山號文水終與天祥同一死
咄嗟何人典史耳典史死事懼失實太史之書存特筆
康熙甲寅年仲冬廿一日

慰忠祠

祀戶部主事趙文哲刑部主事特音布王
日杏重慶知府吳一嵩候補府王如玉府

同知鍾邦任通判汪時吳景知州吳璜常紀徐
詒彭元璋知縣徐瓚張世永許椿孫維翰徐世
珍程蔭梓及其子烈布照磨倪鴻縣丞倪霖吏
目羅載堂巡檢郭良相典史吳鉞許濟周國衡
祠在少陵草堂之西顧觀察
光旭倡成王吏部昶撰碑

吳省欽

太歲在癸巳六月初十我軍軍昔嶺滑達朝徑徑定

邊印如斗誠子預藏襲獵獵移纛旗未暇整伍什將投
木果旁堅壘待重入中道膏賊鋒師潰咎誰執一雙蘭
署郎機庭練批答袴褶來從軍併命祇呼吸徐常司度
支吳羅備典給隨行卽隨死僵臥委韓怡

以上殉難昔嶺

先時

番孽降野心欠馴習招搖颺白旗還往悄游諜聊以夾

霸

番語強劫也

嘗各各繕槍鋏將軍置罔聞餘黨孰竦讐驟

窺美臥溝朔日晚告急提臣防禦單倉猝斃羣噤遂延

喇嘛寺欲向別駕脅父子甘捨生褫剝逮縋縋角礪檄

報同科多火攻合鍾程暨仙尉

許濟

望救痛何及桓桓推

郭吳半通寄冗闕相持閱幾朝相格斬幾級

以上糧站各員遇害

勢去終莫支礮臺跡旋躡吏卒慘歎商民駭駭駢號
呼赴大營營門拒弗納侵晨教大開出走擁蹕將殞
兵竄亡瓦解浩難戢登春驛重臣枯朽被推拉且戰且
退奔矢石冒千疊取道爭兩厓厓上礮聲接從官十三
人先後尸枕壓

十三人從督臣登春退師途次遇害

肉爲飢鳥銜骨爲訓

狐撮國殤不勝書鬼錄不勝牒文臣不惜死公等更酸

唱晴沙東林齋倡議度地協芝栢映藻井栗王替畫嬰

慰忠祀江城昭忠祀京邑姓名婦孺傳事蹟史成輯尙

有楊鄆都蘊雷運歎飲給賊殲數人斯舉漏章摺身殉

衆競憐廟食爾同愜

鄆都楊令被賊慘害請卹未及後補奏

優卹樞拜修擬

香陰景耀靈煜

按楊令事見下張詩

楊鄧都殉難詩

楊明府夢桂無錫人孝廉任四川鄧都令值金酋逆命調赴軍營監

製鐵位屬有功癸巳六月大軍至木果木山夜半賊劫礮局擁公去環叩用礮之法公陽教之而陰詭其製反裂殪賊無算賊酋切齒剝公屍如泥事聞詔贈兵備道賜祭葬蔭一子如官

張雲璈

木果山前陣雲赤紅衣大礮轟天圻金酋肉破飛滿空
戰骨千年不能白楊侯手牽將軍令一擊能殲萬人命
礮局驚傳製作精鐵騎雖行不敢橫賊冒萬死來急攻
計劫礮局先劫公有公不患礮不工首崩厥角請命同
公僞大笑欣相從教之樞紐藏其中忽然反走軍無功

奔馬倒蹴深谷窮狂蛟退入馮夷宮賊如落葉隨迅風
快掃屯蟻巢爲空殘骸膾體不見蹤人血作雨漫天紅
賊衆恥爲公所紿露刃攢公骨俱碎萬點寒沙萬點燐
定化陰兵成一隊 朝廷痛惜喪忠魂贈官賜葬陰子
孫賊雖恨公重公義鄴都嘖嘖名猶存以賊攻賊賊不
知轉環計妙乃若斯君不見楊侯之心本鐵石楊侯之
手眞霹靂

保安驛丞張煥死事詩

詹應甲

驛無守具官無兵賊來犯驛驛馬驚驛卒跪請官入城
官曰吾職乃守此義與驛馬共一死大聲一呼奮袂起

抽刀屠賊如屠豕賊衆且潰官色喜壯哉何官驛丞耳
驛丞手無縛雞力能伸大義死不惜若擁牙旗坐上頭
身先士卒軍心激援兵不至城門開賊怒驛丞合隊來
火礮入夜轟如雷驛丞死事計早決但恨羣賊未撲滅
體無完膚罵不絕吁嗟乎闔門衆口肉流血破巢之下
一卵完 褒忠有典加其官官卑未有如驛吏驛吏千
秋有生氣保安之難丁巳春婺源張煥殉其事

洋州行弔曾大令

諱彰泗四川德陽人以拔萃任洋有循聲乾隆丙寅秋寧陝叛

兵破城曾以大義責之賊脅之城隍廟以沸湯灌喉罵不絕口而死

黃孫瀛

洋州城堅似鐵欖槍下墮虛隍裂棄甲何來犀兕多反

戈忽見蟲沙滅使君一死且不辭口中況有常山舌湯
湯百沸倒軍持甘似醍醐通體徹盤旋那復畏蘊蒸血
聚丹田本來熱一時煎燭及肺腸百鍊純鋼留骨節竟
將糜爛作全歸如此捐軀亦奇絕 皇威遠振劫火消
特典頻頒重人傑復隍配食颯英姿靈來悅惚雲旂掣

襄陽縣呂堰巡檢王君殉難詩

原題曰哀片舉從別集此題改

君名翼孫號聽夫長洲人官湖北呂堰驛巡檢
嘉慶元年二月邪教倡亂賊起襄陽縣之黃龍
壩君團練鄉勇並列戰守議八條上大府不報
賊大至度必死乃作家書付弓兵劉祿問道歸
飛書告急大府援不至鄉兵漸潰去君橫刀登
大橋手刃數賊中矛投橋下賊鉤而出之罵不
絕口遂被害毀其屍事聞卹晉武德騎尉世襲
雲騎尉入祀昭忠祠襄陽人於橋上立祠祀焉

事詳君兄鐵夫廣
文芭孫行實中

劉祠綰

襄陽賊兵逼呂堰誰守驛者王巡檢吁嗟巡檢官則輕
以死守驛同守城守列入議官不用官兵縱賊賊兵衆
三月廿九歲在辰巡檢突出奮一身手書報家身報國
身退一步死不得是時殺氣橫北橋梟二賊首賊勢囂
巡檢大呼橋下墮巡檢一死賊膽破至今賊來不敢橋
上馳英風蕭蕭巡檢祠

王巡檢詩

巡檢殉呂堰之難民祠祀之歲久傾圮
湖北按察使嚴公煩檄襄陽李令新之

繪祠附書寄鐵夫先生余過
淵雅堂見嚴公書因成是篇

陳裴之

黃龍墻賊攻呂堰拒賊獨有王巡檢呂堰無兵復無城

巡檢立堡團鄉兵運籌初定賊烽逼部勒吏民出迎擊
禽賊三人斬橋側驛在橋南橋在北巡檢守驛急守橋
大吏護城不護驛惟勸巡檢避入城巡檢誓死不肯行
亟麾弓兵歸取印附作家書報凶問弓兵不至趣小吏
小吏方行賊來矣陣雲壓日風蕭蕭巡檢立馬當大橋
奮勇殺賊揮短刀橋下戰血噴紅濤渠凶突出俞宗武
猛舉長矛刺腰股羣賊乘之戈亂舞創重狂呼躍江澚
賊驚倒戈鉤出之怒罵不屈嚮其屍賴有小吏知死地
小吏者誰廖之義之義未見戰死時但見水中飄血衣
死狀模糊未入告橋頭夜夜忠魂啼將軍奪驛大破賊

獲賊并獲銅印一訊官被戕事得實入奏 九重方議
卹血衣歸葬頒帑金嗣孤八歲隸羽林祔祀昭忠薦牲
醴褒忠勸盡卑官心嗚呼八事煌煌計誠遠殘兵無援
事已晚斯人自合寄封疆可惜區區一巡檢保障偏隅
能報 國歲祀襄陽拜武德祠楹嚴李繼修營史乘袁
枚洪亮吉載忠節嘉慶紀元歲丙辰日在乙亥月季春
巡檢氏王名翼孫死年四十長洲人

李忠毅公挽詩

諱長庚浙江提督嘉慶戊辰擊蔡牽于海洋陣亡 賜諡追封伯爵

敕於原籍 同安建祠

潘賢

海風怒號海水立奮勇破賊追奔急誓掃機槍酬 主

知兜擒巨憝在呼吸突煙冒刃戰縱橫豈料倉猝噶長

城黑水洋中遺恨在公追蔡牽戰歿於黑水洋編氓部曲皆吞聲朔

昔舟師公總統用浙用閩久倚重髫齡自負便非常天

生我才必有用幼入學常書此七字一舟之主匪易勝誰歟把舵

臣也能常於召見時詢及海中事宜以鳳尾簪橫

及水澳鎗礮所到同芟芳當時海盜如鳳尾幫簪橫幫水澳幫皆就殲惟蔡牽幫存

蔡逆未除恨未止幾番血戰摧海市逆黨聞名魄已褫

甯敵萬軍莫敵李海盜有甯敵千萬軍莫敵李長庚之語貽書商榷智勇

深甘苦與其人傾心梭船特仿同安式指揮兩翼旌旗

森風雲沙線知之熟月夜揚帆還坐讀月夜揚帆坐讀書阮撫軍贈句

也公有和詩贈紆嘗廣伐木章擢才不愧空羣目助賑當年

德在民宮牆黌舍同時新公有助賑後倡捐重修學官事于今儒將推

第一一朝星震滄溟塵臨危授命烈且壯執盾持刀屹

相向瞠目直視面如生寸心耿耿何時償方今天子

褒殊忠建祠賜謚世爵崇九重特下悲憤詔將

士感奮氣益雄從此合兵肆霆擊齟割淋漓奏刀肅轉

瞬孫盧已就禽公其慰矣同親歷次年蔡牽伏誅泉山峩峩廟

貌光海天渺渺靈旂颺忠魂千載自擁護淨洗兵甲波

無揚

八卦山行哀彰化朱明府死事明府諱潤仁和人由臺灣府經歷攝

彰化縣事乾隆乙卯正月鳳山縣民陳周陳光
愛等聚眾焚掠光愛被擒周遁去糾餘黨於三
月十三日攻陷鹿仔港乘勝至彰化彰化無城
可守時有副將張某游擊陳某屯兵八卦山距
縣五里明府命子兆嗣請救既又自往痛陳利
害二弁不為動賊已蜂至攻山兵潰明府二弁
同被害夫人聞變率婦魯女羣姑投水遇救復
投縵獨夫人又得救不死兆嗣亡歸偵知母在
奔視而明府及婦女遺骸已為輿夫等收殮是
役也明府以離城守格於例不得卹婦與女俱
邀旌典烏虜草竊之眾一鼓可滅而擁兵者還
撓觀望重發難而惜身命卒亦不能免吾哀明
府一門殉節觀夫輿夫芒屨爭收骸骨知恩義
入人深已爰作是篇王槐

搜羅金穴窮膏腴筵而走險森戈艾倉皇勦撫俱失策
逸出旁縣遭焚屠八卦山前列旗鼓握兵觀望散部伍
斷指淋漓語未終賊眾憑陵氣如虎怪雲壓陣乘長風

將軍駢首縣令同摧枯拉朽一軍覆握拳嚼齒眞人雄
夫人聞變起嗚咽義激蛾眉慘無色拚拋骨月付波臣
忍將紅粉懼鋒鏑宛轉波間死未能投繯先後魂冥冥
捐軀一日靈旗動戰血千年鬼火青天慰孤忠留一綫
郎君母子重相見慟哭還疑夢裏逢急收殘骨歸鄉縣
簪筆儒臣重策勲魚軒象服表貞魂鄙夫誤公失死所
精靈夜夜哭幽墳我作公詩奮直筆紙上霜飛聳毛骨
輜軒他日采風謠會將公事排天闕

黔南一忠詩

吳振棫

甘忠果公文煨祖籍江西遷瀋陽隸漢軍官雲
貴總督康熙十二年吳三桂反以書報川湖總

督蔡毓榮趣其集兵沅州聯黔楚聲勢會巡撫曹申吉提督李本深已受僞命督標兵被脅誘不受調遣公令妾婦數人縋死而率數騎與子國城等疾馳鎮遠北至副將江義得三桂書以兵圍公於吉祥寺公向北再拜自到死國城等從殉寺有古柏二株堅若鐵石蓋正氣所結云狼子藏野心一嗥乃衆應隻手障洪河人力安可勝乞援謀自藏殉國志早定古柯寺門雙號風肅清聽

王忠毅公之鼎漢軍人襲子爵官提督康熙十八年吳世璠據貴陽賊將犯永甯公爲四川提督守永甯外援絕城陷率兵巷戰左腋創被執昇之貴陽世璠說降不屈賊怒以刃擬其頸公瞋目大罵曰逆賊何不速殺我遂遇害是日大風拔木黃塵蔽天同死武弁十二人

爲鬼當殺賊豈有降將軍嬰城復若戰壯氣鬱如雲使君不負國孰忍負使君風霾塞天地憤泣紛精魂

張忠武公

國樑 輓詞

又

歸義尋常事忠勲見此人才推今大將心擬古貞臣殉

國悲倉卒論功劇苦辛中朝詢訪急惡耗願非真

公陣亡後

奉詔詢訪數月後始下恩卹之命蓋猶望其遇救獲生也

主帥何如者真憐乳臭兒倚權違苦諫失計潰全師盜

賊爭相賀東南遂不支如公能老壽戡亂豈需時

桐船行弔胡將軍和陳雲伯作

蕭掄

雲伯詩原序云將軍名振聲閩人官浙之溫台鎮總兵所乘戰艦以桐木爲之輕而疾出必爲諸軍先賊畏之將軍每於將軍出勦聞俘獲則喜否則怒不見以故將軍常力戰嘉慶時將軍赴閩大府檄赴臺灣擊賊賊方伏島中船先至被圍援師不至獨率所將二百人戰死傷甚

盡賊擁去勸降將軍怒罵求死不食且扶其傷而
死賊棄其尸海中事聞詔贈提督官其一
子將軍之往臺灣也與浙撫阮公書自度必死
但恐死于海外或有誣之以爲卹過地者則身
名喪矣及將軍死傳說果不一有敗卒逃
歸言死狀人乃歎將軍之烈且有先見云

永嘉城頭角聲咽大星墮地光不滅白頭老母望兒歸
不見桐船淚垂血桐船輕疾如游龍將軍百戰多威風
不知乃由阿母訓不殺賊歸母須慍桐船昨出時別母
換征衣只言兒向閩中去那知陷入鯨鯢圍鯨鯢自伏
臺澎側閩中將吏誰敢擊幕府聞得桐船來火急軍書
催赴敵將軍來非爲出師國家有事安得辭貽書中
丞誓必死要使大節千秋知天茫茫波浩浩吹桐船落

賊島矢石既盡壯士亡將軍挺立神不撓大呼狂賊速
殺我羣醜投戈擁公坐扶傷且學魯臧堅捐軀夙志今
朝果 聖主酬忠禮數全可憐調語尙紛然果然不出
將軍料誣作哥舒語浪傳有卒潛歸自賊壘自言親見
將軍死話到蛟龍食魄時阿母聞之悲不止母勿哭母
教兒殺賊兒死身不辱桐船雖敗鬼猶雄森森直節誰
能同便是龍門百尺桐

王文瑋哀廬陽篇見將帥門

馬將軍歌

諱定國官福建南路營守備康熙五十四年朱一貴之亂力戰殉難其孫鳳池

述將軍遺事

爰作歌紀之

徐 葵

朝呼鴨暮呼鴨鴨興妖賊擐甲

一貫幼養鴨爲業每叱鴨皆成伍愚民異之遂

擁之

作亂臺灣城中將軍守臺灣城頭墮天狗海水起立飛

妖氛將軍開城揮三軍跳刀走戟何紛紛十盪十決奔
如雲何事城頭鼓聲死守陴軍爲賊人使將軍守土關
存亡轉戰已無麾下士白首親兵七大成短衣匹馬相
隨行賊人注矢弦不鳴環呼將軍是好人我輩戒勿戕
其生將軍聞言忽嗔喝賊不我殺我豈活急揮大成速
突圍他日呼兒收我骨拔刀自剄血灑空以血塗玦玦
盡紅手付大成成泣受身僵直立橫屍中賊人咋指盡
羅拜是將軍者眞鬼雄 天兵迅掃欃槍奔大成幸保

將軍門郎君間關歷戰地瞥見高冢鬼然存將軍義不
葬賊手敢道骨寒今已久啟土爭看忽大驚異事流傳
萬人口五十三日顏如生昔日刀瘢痂結成吁嗟乎將
軍忠勇信無敵將軍英烈真如神同時死難歐總兵歐陽凱
許副將許雲馬將軍事未聞朝野大書特書不一書以告
采風入史者

書滑縣令強公克捷殉難事

克捷陝西進士殉難賜諡忠烈建專祠

柳樹芳

忠臣不畏死烈婦肯苟生一門萃節義血濺滑縣城滑
縣令者誰姓強克捷名讀書志慕古願學顏真卿當官

不避事人頌包公明廉知逆匪首密擒李文成欲窮其
黨類明正吾典刑豈料竊發徒操戈便縱橫憑陵我郊
壘傾覆我棟楹城以官爲守官以城爲屏城亡官與亡
氣欲吞機槍更有賢子婦罵賊不絕聲肉鬻骨雖毀奇
節天地撐長媳徐氏賜諡節烈建坊旌表天子嘉忠節 賜諡蒙
雙旌專祠重香火綽楔高門庭

朱琦老兵歎紀林弁事見將帥門

孔繼鏐三總戎殉節詩同上

葛壯節家書題後

公名雲飛山陰武進士任定海總兵丁憂道光庚子軍興起用

辛丑夷人繳還定海以公復鎮八月戰死此書在定海與其妹壻朱世祿畧云夷禍未發之前

文武大吏漠不關心失事之後倉皇無措遷延日久羣議蠱起或圖便私或矜意氣既無切中窾要之論亦無公忠體國之心余受事後屢言犬羊之性非大加懲創無以善後將勦辦機宜條陳當事諸公咸以爲難自後局勢屢變忽忽忽撫總無定見現雖收復而善後事更無把握余一武人仰荷聖明起用惟不避艱危務盡我心而已

徐榮

竹山門頭月光苦窮海精魂夜深語國之大事在師旅
當時心肝奉吾主可憐恬嬉相媚嫵築室於道聚羣
簪舉棋不定勦忽撫陳十八策一莫取武人惟有勇可
賈毀家助軍貸子母堅我戈船利我斧越八月望來艫
艫白者了烏黑者奴鴟張蟻附爭睚眦茫茫天海一島
孤戰六日夜援兵無臣力竭矣心不枯死人如麻如葦

蘆有墨其經厥狀殊平生言之今不渝曰惟見危捐以
軀謂予不信視此書

提督陳忠愍公殉節詩

按寶山王樹滋陳公殉節始末記公同安人諱化成

歷官廈門提督道光庚子英夷擾浙東特移公
江蘇帥師赴吳淞口據險要列帳西礮臺側以
居三易暑寒未嘗解衣安寢優待士卒而自奉
甚儉時有官兵都吸民膏髓陳公但飲吳淞水
之謠舟山乍浦失守他邑皆騷動惟吳淞左右
侍有公安堵王寅五月夷船至公登臺守禦初
八日自卯至巳發礮千餘門傷大夷船五火輪
船二夷人欲卻適牛制府攜兵出城夷望見礮
擊之牛急召總兵王志元王已遁去牛亦遁衆
兵隨之皆竄公孤力無助猶手發礮數十次身
受重傷礮折足鎗穿胸伏地噴血而死年七十
六民間公死皆曰長城壞矣號泣奔走事聞
詔賜專祠予騎都尉世職淞江人王城
哭公哀作詩成帙名表忠崇義集

一木難支大廈傾。將軍殉節萬民驚。丹心料有天垂鑒。
白日愁看鬼橫行。公已成仁甘就死。士惟見義乃忘生。
怒濤夜激蘆花岸。陰雨靈旗戰鼓聲。

又摘句上海陳培庭云皓首不能生擊賊丹心惟此死酬
君崇明施子良云肘常秀掣生餘憤掌僅孤鳴死竭忠

絕命詩

咸豐癸丑二月金陵陷作

湯貽汾

死生輕一瞬。名義重千秋。骨肉非甘棄。兒孫好自謀。故
鄉魂可到。絕筆淚難收。藁葬毋予慟。平生積罪尤。

輓詞次韻

湯成烈

授命臨危日。成仁蹈義秋。全歸能繼志。絕筆見詒謀。嬰
鑠心仍壯。沈埋骨未收。

遺命以蘆席
卷埋竹園內

雙思堂下水清冷

更何尤

陳書談要畧

公曾刻金湯十二籌諸書去歲嘗以戰守滅賊諸畧上書江督陸建瀛恐賊有猝至

江甯之勢陸不能用

劈畫已經秋保衛乘城績

道光壬寅英夷犯順公與在籍紳士

設保衛局同心防堵奉旨褒獎

艱危在野謀燎原詎易撲覆局竟難

收赫赫誰當路能無衆口尤

陸帥自九江遁歸江甯安慶卽陷復撤采石扼險之

師金陵亦因之而陷

金陵龍虎地一夕黯然秋祇有聞風遁會無未雨謀黃

巾猶未合赤幟已全收白髮丹心迴身殲孰可尤

家國無窮恨當茲多難秋枕戈期遂志投筆未成謀莫

洩心胸憤何能涕淚收從戎吾計決報復庶無尤

次韻晚章哀然成集
未能備選止錄是篇

贈中丞趙公輓詩

諱景賢歸安人拒粵逆守湖郡屢著戰功久之城陷被執不屈

罵賊遇害公先以功授汀漳龍道守鄉未赴任卹贈巡撫諡忠節

金鴻佺

雪川城門朝不開上流潰師奔湍來流民扶老攜嬰孩

哭聲震地昏塵埃趙公奮臂登陴立八千子弟一呼集

激發忠義咸感泣怯膽變勇血戰急短兵礪刃還再接

捷書繼踵摺重疊惟公儒雅本書生躍馬提戈爲干城

虎鈴豹韜心胸撐不是文人敢談兵黃封亦有香醪清

憂來詎敢深盃傾

公素豪飲

中丞薦牘達

天聽

浙撫王壯愍公數以

公功疏陳

嘉乃危城克底定監司授職宜報稱閩南一路福

星應 詔書拜誦涕痕新臨難棄去非人臣生靈百萬
繫一身詎忍獨活天南濱挺身百戰兵已戢屈指三年
寇又及包胥乞師空涕零析骸易子悲罄餅壞雲壓天
日無色一片孤城氣皆墨似聞嘻嘻還咄咄奇兵突圍
月昏黑枵腹彎弓猶殺賊櫓槍吐焰摧崇墉火龍擺領
連天紅萬頭亂飛如瓜割公也巷戰戈相撥賊酋大呼
宜生擒生擒受賞償萬金樓船載向姑蘇臨三薰三沐
覆錦衾欲以恩遇柔其心酒龍病渴百壺挈西江吸盡
驚一瞥狂吟淋漓揮醉筆慷慨罵賊肝膽裂滿腔熱血
灑愁絕此心欲折如折鐵公被虜飲酒罵賊並作詩并刀出鞘光晶

瑩霜鋒刮面神不驚魂銷骨碎酬君恩
髑髏含笑還

怒噴文山而後之一人溫公抗節亦同倫
溫太守紹原祇少

孤兒能殉親公長子十二歲聞父盡節一慟而絕九重褒忠敕立廟日

月光華爭炳耀空惟無人鶴相弔魂招不來風料哨吁

嗟乎粵氛疊陷金城固天塹長江一夕渡公之勇銳鋒

誰撓惜守一隅不與守金陵

譚廷獻哀二賢詩見將帥門

附錄徐君青中丞有王殉節詩江蘇巡撫張興烈

元戎戰死督師遁十萬紅巾薄城陣壞雲壓天天欲摧
七里長圍成月暈城頭月黑飛震霆風吹胥江戰血腥

登城下視心膽裂喧闐不辨賊與兵守陴之兵鞭不起
兵與賊通卽賊耳須臾兵潰賊入城官吏奔逃不能止
孤臣血淚憤填膺大局東南壞如此臣心耿耿可告天
臣罪如山罪當死大臣死必獲死所清德堂前一池水
同時從公死者誰夫人公子女公子血肉全家葬碧流
姓名千古昭青史 上聞震悼下所部卹禮優隆庸慰
汝裹屍幸有吳句卑白骨長埋乾淨土 城陷時有勸公
幼子出走者公
止之并不吁嗟乎朝廷養士期致身如中丞者能幾
如乾淨之語 人吾鄉氣節邁今古尚有雲間七品臣
公浙之歸安人
同里卞小雅大
令乃誦攝婁縣事五月
間松江城陷殺賊陣亡

孝子

繡州孝女

女李氏志在事親終身不嫁

李鄴嗣

遠我父母事人父母誰無父母誰有父母

解一

少慕事

親十年不字長慕事親終身不字

解二

謂我女子謂我

男子宛然孝子宛然處子

解三

有父子倫無夫婦倫嬰

兒子後惟此一人

解四

暮雨梨花年年寒食麥粥一盂

父母之側

解五

打虎兒行

禹州民朱兒救父打虎史使君廷桂獎勞之

毛奇齡

打虎兒乃在汴梁之禹州禹州城外朱家樓小兒十一

隨父耕深林有虎斑毛成颺颺黑風吹草根乘風攫人

誰敢撓小兒不識虎疑是狐與狸陡然見虎銜父肢兒
啼向風不得父把杙打虎截虎路三尺童子五尺杙憑
空擊去著虎臆虎驚顧兒舍父逸深林風草皆無色禹
州太守呼小兒予之以帛飽以糜余時在署識兒面披
髮跳躑真兒嬉問兒打虎虎何似舉手張牙作虎勢假
虎隱慢恐小兒小兒驚避力不支當時見虎乃無怖此
事我亦昧其故禹州太守省得之是時小兒知有父男
兒七尺縱復橫爭名攫利萬里行高堂存沒總不問那
肯捨身戀所生我所思打虎兒

贈顧孝子

孝子名棟字上榆代父從軍運餉贖罪朝野稱焉

孫宏

偉哉顧孝子代父出邊關輓輸萬里上馬去鞭梢直拂
寒潭山大義從軍何勇決少年不惜新婚別終童有志
請長纓不爲封侯慕投筆絕塞重關險阻憑嗟爾儒生
弱不勝鐵衣凍合黃河冰三十六臺霜雪凝惟君義氣
蒼穹眷定有神靈掣雷電妖氛潛匿鳥獸散威風不數
天山箭奏凱歌饒遍朔方王師旋報滅欖槍爲問飽
騰誰借箸當時孝子身能當歸來拜父成歡聚親拂征
袍馬頭住庭前笑語更開樽挑燈細問軍行處

畢孝子寧古塔負祖父骨歸里詩 余京

混同江畔沙草黃陰雲晝翳天無光羈囚廿載老爲鬼

往往夜哭思家鄉
虬山孝子痛父戍
賁志窮荒願身赴
蕙蘭憔悴悲春暉
蚤向秋風委霜露
鐵嶺遼河五十秋
旅魂漠漠傷淹留
雞竿明詔下
鰲禁蒙許枯骼還
山邱孝子遺孤年
已壯望闕奔號請
歸葬西曹求檄頒
故遲躑躅京華家
破喪萬里窮陬事
遠征鬢風密雪踰
長城呵冰鬚髮曉
每凍聞角區脫宵
常驚幽泉負骨旋
鄉里馬鬣齊封堂
斧似兩世精誠事
竟成不愧一門雙
孝子

王孝子詩

繆沅

丁徭日繁重閭戶多逃亡
文安王氏子飄泊辭故鄉棄

我舊井竈舍我舊耕桑甘心雜匹耦各自東西翔

解一

故鄉不能歸涕泣淚如雨一燈何熒熒健婦堵門戶生

兒在襁褓日夜尙須乳

解二

兒生未十期兒志如成人

上堂見阿母兒有平生親兒生不知父兒不如鮮民阿

母爲兒言汝父久埃塵上天與入地欲見愁無因孝子

聞母言含淚聲酸辛

解三

團樂復團樂爲兒授家室登

堂見花燭吞聲哭不得兒生未識爺何以安枕席誓辭

連理枝永遠事行役再拜阿母旁泣血漣顏色

解四

出

門何所之惘惘別里門長號感行路天地爲之皆日則

望雲馳夜則戴星奔飛蓬冒天末何處尋本根

解五

行

行大壑旁僵臥荒祠外精誠動木石魂魄交冥昧開門

揖老叟夢中與神會午食見指南沙羹未粗糲當歸乃

隱語不聞附子膾

六解

迤邐入東南山澤形神枯黃沙

蝕顏面瘡痍生肌膚果然帶山下夢覺逢精廬佛香飄

院落有客蒼髯鬚詢知舊鄉里驚喜立坐隅尋聲猶識

得精神相感孚父子抱持哭淚落千僧徒

七解

慇懃勸

還鄉緇林戒行李入門見老妻毀顏已暮齒新婦潔盤

殮爲翁具甘旨至行格天地和氣浹鄉里高僧遺矩矱

子孫遍朱紫至今道旁人齊歌王孝子

按秦南沙詩云于海島夢人指

往南方得遇
父與此小異

雪莊張孝子詩

秦道然

玉峰靈區產秀民文章宦望何彬彬豈知鍾靈獨厚處
乃在不學不仕尋常人雪莊孝子世絕少堪與人倫作
師表上格蒼穹并鬼神下感仇讐及禽鳥孝子童年母
病殆叩首顙天身願代灑血呼號天聽卑母命得全兒
首碎東隣火發延高堂火中脫父何倉皇翻身入火負
後母火煙迷目身幾戕忽然反風火勢轉齊呼孝感聲
洋洋中宵侍父父醉眠讐出牀邊白刃露赤身徒手起
禦讐手迎白刃手指墮還抱讐人請代死讐人擲刀心
感悟解讐願結平生歡有子如斯天所祐執喪廬墓空

山隈晝號夜泣心肝摧山靈震驚物類應萬鳥助哭聲
同哀吁嗟乎至行惟從至性出孝子何心表奇特天人
庶物同一根感之卽應如呼吸孝爲德本作人宗八十
婆婆一老農化導鄉邦成美俗用播聲詩待采風

沈孝子行

爲良思觀察子
庠生敦懃作

吳廷華

我友有子稱小鳳少歲六經熟磨礱忘身竟以死孝傳
千古人倫作桴楫孝子陳情救乃翁乃翁得旨還天
中昨歲母殯值隣火撲滅不覺麻衣紅麻衣紅不可襦
甯死肯任母殯燬頭焦額爛膚不完殯宮獲全孝子死
孝子曾補兩笙詩南陔白華有新詞居身潔曰守庭訓

循陔乃厄南宮離我聞客位之殯塗且肆擯至西序預
火備此禮廢墜千百年致令孝子蹈炎熾我友哭子幾
喪明邦人請旌留孝名登危臨深古所戒成仁取義非
過情讀書要在持大節至行煌煌如火烈旌廬令典金
石光精神不逐劫灰滅

別裁注士喪禮掘肆見祔肆埋棺坎下也

桑孝子抱鎗圖

丁敬

人生失怙情難述况復親存抱奇疾通腸入胃百未能
除卻鎗糜無異術豚糜羊糜漸謝功子心如沸一鎗中
明明親在養不得豈待皋魚撓木風宛轉親亡腸欲裂
忍見團團煮糜鐵抱鎗哭絕咽無聲啾啾有耳鎗應泣

女黔婁

嘉何汪氏作

桑調元

女黔婁誰與儔阿嫫病心懷憂嘗冀甜憂孔稠嘗冀苦
病以瘳宗族稱女黔婁時疫行省病父貧骨月藥鏹釜
母妹活氣如縷父弟沒淚如雨女汪姓嫁于何夫也逝
痛則那哭父弟雨滂沱又哭夫湔爲河影矢隻死靡他
奉君舅舅痺病三年養考終命乳孤兒淚交迸手只鍼
面不鏡無與儔女黔婁

烈女李三行

天游李三傳畧云女李三者河南鹿邑人父業田與邑大豪相恨疾豪陰

謀殺之使客陽與親召之酒而藥以飲遂發病
心知豪所爲將死女從母泣於前父斷齒切吒
曰何泣吾爲人殺有兒俟壯或能復仇若無望
也恨終不吐矣女時年十餘聞父言憤蓄報豪

志更數歲益長拔利刃候道上期刺豪豪乘馬
從僅奴勢不得逞乃丐人爲詞愬有司大吏數
年無肯白其事者遂辭母奔京師將擊登聞鼓
自訟爲吏所關以陳於刑部與都察院交格之
一如有司大吏在河南者久之有新任令於鹿
邑者頗強直任事女乃走還令方升車出廳前
大呼涕陳令受牒縛鞠客與豪皆窮服論罪未
決豪死牢戶中豪家憎女謗爲嘗受汚有邑公
子心知女賢請聘之矢不許及母卒殮埋召族
戚里鄰告之曰吾痛父見害幸得雪仇而名爲
人垢忍不早死者傷無弟兄終奉老母今吾事
已其將有所自明室而掩之遂自絞也豪子暮
扣之視其面猶生將舉刀圖之有血激諸口類
贊怒者豪子駭仆負歸亦死女死康熙中至今
五十載子感當世無能文章楊洗
昭暴之乃撰述其事歌而系之
胡天游

大海何漫漫千年不能移太山自言高精衛銜石飛朝
見精衛飛暮見精衛飛吐血填作壠一旦成路蹊豈惟

成路蹊崔嵬復崔嵬女面潔如玉女身濯如脂十四頗
有餘十五十六時婀娜環春風明月初徘徊門中姊與
姑隣舍雜姥嫠人笑女無聲人懼女長啼昔昔重昔昔
妓痛不得治有似食大鯁禍喉連脅臍阿母喚不應步
出中閒閨女身亦非狂女心亦非癡向母問阿爺阿爺
誰所屍昨者門前望裂眼甯忍窺爺仇意妍妍走馬東
西街我無白楊刃鍛作雙虹蛻磨我削葵刀三寸久在
懷一心願與仇血肉相壅齮仇人何陸梁挾隊健如犛
前者爲飢狼後者爲怒豺小爵抵黃鵠徒恐哺作糜大
聲呼縣官縣官正聾蚩宛轉太守府再三中丞司堂皇

信威嚴隸卒森柴崖安知坐中間一一梗與泥何由腐
地骨鬼笑回牙欵孤小不識事聞人說京師京師多貴
官列坐省與臺頭上鐵柱冠獬廌當胸棲獬廌角嶽嶽
多望能矜哀局我頭上髮縫我當躬衣手中何所將血
帛斑斕絲帛上何所書繁霜慘濛埋細軀誠艱難要當
自防支女弱母所憐請毋毋攀持今便辭母去出門去
如遺是月仲冬節殺氣爭驕排層冰塞黃河急霰穿矛
錐大風簸天翻行人色成灰夜黑不見掌深林抱枯枝
三更叫鵲鵲四更嗥狐狸五更道上行躑躅增羸飢舉
頭望長安盤盤鳳皇陴下著十二門通洞縱橫開持我

帛上書鸞我囊中桂跪伏御史府廷尉三重墀尚書更
峩峩峩峩唱騶歸頭上鐵柱冠獬廌當胸棲獬廌卽無
角豈與羣羊齊李女倚柱嘯白日凋精輝結怨彌中宵
中宵盛辛悲有地何搏搏有天何垂垂高城不爲崩高
陵不爲阢爲遣明府來明府來何遲長跪向明府淚落
江東馳女今千里還女憂終身罹女誠不敢結願官無
見疑父冤信沈沈沈沈痛無期一日但能爾井底生朝
曦死父地下笑生仇市中判顧此弱賤軀甘從釜羹炊
語終難成聲聲如繫庖麋明府大嗟歎嗟歎仍歔歔翻
翻洞庭波洞庭非淵洞嶄嶄卽崦坂九折無險巇我今

爲汝尸汝去行得知爺仇意妍妍舉家忽驚摧勢似宿
疹發驟劇無由醫同時惡少年驅至如連雞銀鐙押領
頭畢命填牢墜有馬空馬鞍永別街西馱叩頭謝明府
擗骨難相貽昔爲羝乳兒今爲箭還較遙遙望我里我
屋荒蕪萊寡母倚門唏唏於杞梁妻女去母啖柏啖柏
今成飴雖則今成飴母悲轉難裁女顏昔如玉女髮何
祁祁女口含朱丹女手垂春蕙哭泣親塵沙面目餘癢
劉宛宛閨中存鰥瘠疑病罷姑姊看女來簪笄不及釵
鄰姥看女來左右相呼攜各各自流涕一尺紛漣瀝鄰
姥少別去媒媼從容來三請得見女殷勤致言辭公子

縣南居端正無匹儕金銀列兩廂纖紉不勝披身當作
官人華榮灼房幃頗欲得賢女賢女勝姜姬回面答媒
媼身實寒且微無弟無長兄老母心偎依所願事力作
澀指縫裙屨安得隨他人乖違母恩慈母年風中燈女
命霜中葵須臾母大病死父相尋追棺槨安當中起墳
遂成堆一一營事訖姑姊可前來爲我喚長老長老升
堂階爲我召鄉隣鄉隣麀如圍十歲隨爺娘幼小惟癡
孩十五銜沈寃灌鼻承煎醢二十行報仇報仇苦且危
三年走大梁趙北燕南陲女行本無伴女止亦有規皎
皎月光明不墮濁水湄斑斑錦翼兒耿死安能翳長老

得未信鄉隣莫休猜自此旋入房重闔雙雙扉朱繩入
九尺挂向梁閒顏鮮鮮桂華樹華好葉何奇葳蕤揚芳
馨生在空山隈烈火燒昆岡三日燄未衰大石屋言言
小石當連叢蕭蕭之泣蘭草萬族合一煤燒出白玉姿皎
雪寒皚皚玉以爲女墳將桂墳上栽夜有大星辰其光
何離離錯落桂樹閒爲照女容徽桂枝上摩天下根深
深基中央纏悲風聲出商陵吹吹爲行人聽千載長淒
淒

孝眼先生歌

國初金聲桓叛南昌居人爭避出城

烹之迎龍擁父頸求代賊怒以刀刺其左目迎
龍垂死不釋手賊義之父子俱獲免迎龍死

二日復甦左目亦旋能見物自云夢鄉先達吳公飲以杯茗故瞳已壞復完也鄉人稱為孝眼先生孫暉吉

官至大理卿

齊召南

天有眼乎應曰有請看孝眼熊先生異事至今在人口當時羣盜殊縱橫豺獠磨牙虎搖吻白晝入市持短兵空城出避走村塢病翁獨留守門戶已令江革負母逃世甯不去隨阿父先生侍父其弟負母出避辛勤求菜供晨餐歸見霍霍刀光寒彭修叱賊不顧死惜無寸鐵摧心肝哭祈餓賊身願代叩頭千百願將碎賊刀刺眼血淋漓臨危尚擁而翁背從旁一賊憐潘綜擲刀卻立為改容手揮徒黨出門去翁翻哭子悲填胸創深仆地呼不起血漬

衣衫黯深紫屬纊空餘一目瞑詎有仙丹能返死自來
福善由皇天人死復活真希傳先生復活雙瞳炯夢中
香茗貽先賢居然秋水凝睚滑細辨蠅頭工筆札士燮
曾吞董奉丸張元虛說金鏡刮可知至性通神明匹夫
決烈鬼神驚君不見唐時敬儒斷指指復長又不見宋
時楊慶割乳乳復平報施若道天無眼請看孝眼熊先
生

曾孝女詩

女父曾尚增宗聖裔也爲郴州牧女幼母張宜人臥病不起侍湯藥四載乾隆

戊寅冬宜人病劇女亦委頓殊甚母憐之令少臥命老媪侍我女因卽帷幕外假寐媪就榻前
爇火烘衣倦臥衣熾火及榻女驚以手撲火不
得滅守榻呼救家人起撞門入火已及帷宜人

自度不能免促公掖孝女出女哭挽母臂不釋
家人負公出復奔孝女女不許曰速救夫人夫
人出我乃出時官人已在烈焰中猶見孝女以
手捧母面哭不止遂從母焚死火熄求其骨見
女身抱母骸不得解觀者皆涕
泣不能仰視時孝女僅十五歲

田嘉穎

宗聖古孝子傳家多義方承武數十世忠孝扶綱常篤
生郴州公作牧揚清光有女名衍綸十齡能文章十二
遭母疾侍奉牀第旁十五母疾革日夕心傍徨憂勞遂
羸瘠午夜遭奇殃假寐帷幕間老嫗事藥湯燬衣延臥
榻孝女起驚惶疾呼救夫人母面向捧將有人扶女出
嚙臂仍入房救母竟不得抱持同死亡
有扶孝女出者嚙其臂仍入火
欲救骨肉既合并膏血難分張吾人丈夫子聞之痛中

腸緬昔有曹娥拯父溺大江死抱出重險血肉猶無傷
痛此母女魂萬古雨相望郴人感純孝祠祀修烝嘗安
得幼婦碑表此孝女殤

趙孝子

詩孝子名如勲燕定州東馮村人年十四父爲同族宋實簡三人所殺姪某首訟

宋宋賄簡承簡坐死姪亦坐誣得罪釋宋及實未幾會赦赦簡出母泣語孝子孝子誓必報母老弟幼不可死因僞與宋結愿十五載母歿且服闋爲弟畢娶適宋出觀劇孝子腰斧與俱卽其後擊之遂殺宋詣吏請死吏不爲白坐辟時乾隆十一年七月也獄戕上聞下所司比部知孝子無死法仿古駁復讞議上之制曰甚是覆案定擬孝子可以無死矣夫孝子死必無恨顧君如堯舜臣有皋陶而有孝鄭虎文子死者如天下後世何歌以紀之

鄭虎文

趙孝子定州東馮細民耳生不讀書不識字父死兒年

纔十四天荒地老冤莫伸鳴冤坐誣兄鬼薪脅從者簡
首宋實宋實賄脫簡罪辟簡罪未辟赦且釋死父含冤
生母泣泣顧幼子呼如勲汝族宋實殺汝親汝弟幼弱
惟汝身我今語汝知惟汝識之汝報之報之以死兒何
辭兒待終母天年時母亡弟長弟授室越弟授室纔五
日乾隆丙寅七月二十三日之夕東馮村人夜觀劇
伺宋得隙覘宋出別幕辭家躡其跡腰間利斧光差差
如霜似電驚蛟螭精誠淬厲血淚滋一十五載神爲持
歸途陡遇格其肘腰間出斧斧在手力不敵宋宋欲走
蹶而復起斷其首大呼復讐須眉張日月慘淡天昏黃

狂飈動地沙礫亂。若有神助非身強。嗚呼兮孝子今無
其人。古有此兒童聚觀老翁歎。頃刻喧傳遍鄉里。束身
到官官不問。謂爾殺人罪宜死。爰書具獄文。下部司命
刑曹赫然怒。駁議奏上。帝曰俞。死未可知。生有路於
戲我。皇盛德如天仁。孝子不死萬物春。孝子不死萬
物春於戲我。皇盛德如天仁。

江孝子詩

蔣士銓

右臂之肉不可療。母左臂之肉不可療。父兒身親身親
已亡。血肉之軀亦何補。朝視母墳夕憑父棺。茆堂淒淒
臘日苦寒。諄諄出出妖鳥語。風捲簷茅棺莫舉。孝子拜

炎炎弗許飛廉揚揚祝融怒抽刀斷指驚祝融神急止
火急反風父棺不動孝子死老翁叫孫孝子起翁欲告
人兒止止翁拾斷指裹以紙丹徒舍人啟衾視右手垂
垂缺小指兩臂創痕況若此把筆傳之淚如水江家五
世居丹徒兒名延祚未讀書生年二十但知父與母不
知肢體爲我有呼爲孝子兒不受倘以爲言兒卻走父
曰懷德祖曰珩閭史書之存姓名事在壬辰十二月孝
子不願 朝廷旌

躋行

朱 璿

木則有本水有源此意今人棄如土怪爾躋者胡爲來

居張家橋字張五天。則其足代以手。用違其意。意不迂。
嗷嗷日乞於市。中能使哀憐。到貪賈道旁。見者問之。詳
泣曰。丐貧丐有母。丐有母兮。無可養。丐惟乞兮。進二舖。
足折偏憂親。或飢風寒。不敢自言苦。有夜行者。從東來。
驚聞其聲。瞰其戶。一燈熒熒。四壁寒。歌呼猶作嬰兒舞。
嗚呼斯世。孰無親。融融色養。吾誰覩。請君讀我。簞丐行。
自反能無汗如雨。

汪孝子詩

孝子幼失怙。母目枯爲母。砥目復明。母邁時疾。祈天願以身代。旋得無害而臥。

病歷歲時。侍養浣濯。皆身爲之。母卒。營墓攀樹哀感不止。

吳文倫

間氣何所鍾。乃鍾黃山麓。越國有苗裔。至性超流俗。昂

藏七尺表丈夫劬勞欲報慚慈烏可憐失怙剛九歲擗
踊袒括空號呼號呼慘淡風雲色哀感路旁咸太息婆
婦神摧身未亡孤兒長跪心盡傷盡傷心未休強慰阿
母憂癯形欲朽骨幾化老眼將枯淚不收眼枯白日坐
煙霧手足徬徨奚所措跼舐雙瞳暗復明起居幸得安
常度慶雲藹藹蔭庭闈色養無方未暫違肝脾忽復違
時厲醫門無術驚魂飛魂飛願以身爲代涕泗哀祈天
鑒在精誠冥漠信可孚支離牀褥欣無害牀褥支離歷
歲時厠踰浣濯久安之非無臧獲承風旨惟愛孌孌日
影遲日遲間視身常早從茲願侍慈帷老哽噎殷勤祝

不忘撫摩晨夕歡相保相依相保自年年綵服承顏阿
母前揮戈莫返西山日銜石難填東海天東海難填孝
子恨椎心泣血忘勞頓望歸華表空千年爲開窰窰營
方寸方寸縈紆只自知幾回攀樹涕漣漣欲靜不甯臯
子淚有聲無句白華詩雀入鳩棲感禽族自昔高蹤竝
芳馥瑤環瑜珥滿階除秀挺靈峯三十六黃山昔曾產
異人似茲純孝更無倫還徵潛德幽光發動格蒼穹福
祿申

儀徵張孝女詩

嘉慶三年春儀徵貳尹申淑率

臥石土人云昔有孝女被焚於此出爲祟石所以鎖也申笑曰焉有孝而禍人者敢石視之大

書孝女赴火救父處七字背有記畧云孝女張氏巧姑年十四父病不仁兩兄業木營作於外惟女侍養乾隆甲子里人不戒於火女救父與廬舍同燼焉翌日檢其尸見女胸次有四手蓋已負父於背而不能出也貳尹申張雲璈於上官請旌立祠江干徵詩文焉

孝女赴火救父處道旁大書事可據五十五年蹟早湮過者紛紛掉頭去眞州貳尹事疏濬短碣城隅尙堪認問之士人語不詳父女傳聞記同燼冤魂往往出爲祟此石分明遣相鎮貳尹聞之粲然笑孝女作殃吾不信挾者剔土審視之石猶完好無缺虧其陽有題字其陰有銘辭事頗具顛末一一無所遺孝女知父不知我孝女見父不見火冒火惟求父得生負父還將火同荷苦

尚炎威抵死爭不知烈燄隨身裏可憐塗地肉已糜猶
覺救親力逾駁一靈幸與所生依百骸甯其飛灰簸女
魂不作碧血憐女心定化金蓮朵當時赴火惟女獨或
死或生更誰告若非四手宛在胸安得萬人齊屬目貳
尹亟向大府陳 朝命一下無逡巡始知顯晦事有數
出祟之說非無因孝女魂魄未必更戀此應是多年呵
護之鬼神吁嗟乎曹娥十四殉父死巧姑之年亦如此
一死於水一死於火千載遙遙兩女子

沈孝子詩

烏程沈敬齋標性至孝母年八十餘色

養無倦鄰人不戒于火母耳聾不聞也
孝子朦朧驚起火已及簷亟趨母榻從烈燄中
負之以出煙迷路塞若有神人導以前者卒達

于外眉髮無所損人以爲孝感
蓋乾隆癸卯四月初四夜事也

陸元鉉

黃風怒來赤燄烈火龍夜半掉尾疾摧燒拉雜無完牆
鬱攸遂及織簾室室中有母八十餘宵深睡熟驚斯須
椎胸告母母尙疑以身負母奔街衢是時雲昏月慘黑
霹靂飛空煙四塞人猛於火火不侵出死入生爭片刻
神魂既定翻嗟吁囊空甌倒居無廬當其災患起倉卒
知有其母忘其軀精誠格天天意厚返風滅火亦時有
知君至孝神扶持此事今猶滿人口

平湖戴氏二孝女詩

李廬芸

農家戴秀山兩女有與如父死矢不字撫弟十歲孤夜

織雨張機朝耕雨柄鋤風中同拾薪雨中同摘蔬兩女
勝兩男克代母氏劬有肉果弟腹有繇溫弟膚弟長延
厥祀女甘爲之奴哀哉弟再娶短命影忽徂遺腹幸生
男襁褓泣呱呱呱呱豈無母呱呱賴有姑母老又終堂
直杖代弟扶頻頻舉四喪罔廢舊與畬辛苦卅餘載姪
已能負芻有年已六十如亦五十餘至性本天成何嘗
讀詩書昨輯邑乘稿衆口交稱掄今爲賦此詞以俟旌
其間

尊聞堂詩

范雲濤聘金氏婦三年而雲濤與其父

章玉其孤廷樞相繼死五年其母又亡
金氏以一婦人始終姑之存沒喪葬成禮且爲
范之宗建祠以祀先序雲濤父子於昭穆而顏

堂曰尊聞誠無愧於節孝之大者黃緒奎記其畧

俞理

寒松有本性淩霜乃逾堅寡鶴一一飛孤雲附遙天撫琴動哀操淒絕長吟絃人生或榮瘁之子良可憐三載骨肉喪遺孤一以殲奉姑乃忍死偷生非苟全勤劬送姑歿亟欲從黃泉戕戕封馬鬣纍纍歸牛眠拮据構祠屋廟享垂長年凡其所經營皆處至迫邇豈惟伸大節亦以光於前自古重賢孝柏舟胡皜然

汪孝女歌

秀庠汪小坡女芳姑父疾革日夜哭禱願代父死已而父果愈女病一如其父

瀕危父泣問曰兒悔否女曰幸得代矣夫何悔遂瞑而逝

張駿

朝焚香暮點燭泥首庭前向天哭皇天鑒此衷破格許

所祝女哭父病起父哭女竟死古來孝感未聞此曾讀
曹娥碑投江尋父尸捐軀殉父父不活追歡泉下空相
隨今也代死父克生芳姑快然志竟成此去瑤池侍王
母不死之藥般般有玉液瓊漿冰桃雪藕夢裏攜來爲
父壽不願生生世世爲父女但願今生父與偕仝偶

讀袁孝子傳

上虞袁翊元字羽公父以封股療親疾里黨以孝聞母陳氏年邁遭疾元

躬侍湯藥罔倦一夕出延醫家人不戒于火子若婦號于門門已燬元狂奔至從火燄中入燄黝然黑不得入出而復入者三迷逕所在則大叫曰豈竟置母于火耶復踏火徑踉蹌抱母出頭額焦爛母竄入水出不逾時旋卒元痛母亡慟哭亦卒

徐濟

父封股生孝子母遭疾委牀第延醫歸門已燬子號咷

婦悲啼母存一息孰拯之奔號赴火煙塵迷黑風捲烈
燄飛呼天大叫負吾母三入三出火中走壯哉焦灼及
皮肉此母乃免其姬續出火中難再生投水中忍獨生
三日哭淚盈斗兒願地下依左右烏虜孝烈如此古未
有身已糜名不朽

負姑行

爲門人吳月舟祖母作

朱彭

樹頭啞啞啼白鳥堂前垂白有老姑母偕婦周勤奉養
終宵操作忘艱劬歲在庚辰夜將半嘻嘻咄咄聲頻喚
俄看姑室起煙塵一片紅光上帷幔老姑倦臥方在牀
病軀驚起空徬徨家無僕婢誰相將排闥但見燎方揚

母時亡命火中走搜衣爲姑覆其首踉蹌負出疑有神
火已灼衣煙塞口姑身不傷母幾焚焦頭爛額殊酸辛
剝膚之痛豈不顧爾時惟知姑有身從此呻吟臥牀褥
火氣熏心苦踈跼子婦持齋禱北辰夢酌清泉解炎毒
始知至性能格天母旣愛姑婦亦然嗚呼母旣愛姑婦
亦然一家節孝何其賢

番薯吟

定海諸生李異占家赤貧謹事母授徒數
里外每食必歸食已復至主人詰其故泣

不語久之乃曰家貧母食番薯何忍獨食飯也
學使阮芸臺先生訪知表之給以金不受語以
歸養母乃感

泣再拜去

焦循

母食米兒食薯母心不豫母食薯兒食米兒能不泣涕

海水洶洶浪拍天中有斯人行獨賢使君與金謝不受
無名得此身之咎使君曰汝勿卻姑買市中珍歸爲賢
母樂李生叩首納金去兩眼紛紛淚飛絮

官氏雙孝娥詩

王豫

吾聞木蘭之孝代從軍又聞緹縈之孝能雪冤此皆血
性所感發間氣往往留坤元官家雙孝娥淑靜而恭溫
隨父宦入塞讀書稱名媛一日蠶苗作不靖父勤厥職
殞厥身孝娥相向泣繼血呼天幾欲以身殉踰年厥母
亦病卒哀毀骨立殊難存兄嫂晝夜隄防密孝娥宛轉
志不伸阿姊顧妹言爹死孃死我幸生母乃辜此罔極

恩阿妹顧姊言。爹死孃死姊死我獨生。母乃苟活乖人。
倫一燈熒熒氣慘淡。哀極發聲聲轉吞。密箚月黑天爲
昏。哀猿嘯雨愁雲屯。是時兄嫂意稍懈。雙娥併繫朱絲
繩。黔人聞之淚交墮。椒漿有客爲招魂。大官錄金遺吏
祭。四匱并得歸鄉園。父爲忠臣女孝女。天地正氣鍾一
門。吁嗟乎視死如歸孝。且烈草間乞活何如人。

沈孝子詩

坊者沈某居嘉興竹林里父患癩疾刲股以奉親

唐 祝

嗟哉沈孝子。生性一何愚。父疾不可療。刲股表區區。子
爲父遺體焉得戕。其膚卽以父遺體還。救父病軀揆之
聖賢理。至性或相孚。吾今謂爾孝。吾今謂爾愚。孝亦不

可及愚亦不可無

奈西州

蜀中十一歲女子奈西州上書
籲釋父戍得宥赦還人義之

李宗昉

長天天西頭有女奈西州西州父得罪遠戍漢江水入
十翁媪哭思子十一女孫悲欲死死不得父歸翁媪心
益悲生欲得父歸此事豈是弱女爲告之法吏遭呵麾
謂官執法他不知得赦會有歸來期女曰翁媪皆白髮
待父歸來恐朽骨我將匍匐入帝都直叩天扉求赦書
棧雲莽蒼蒼連山多虎狼黃河渡頭風夜黑勁波山立
渡不得倉皇急走脛無膚行路之人心慙惻登聞院鼓
鳴雷聲聽馬使君爭顧驚觸階額血光棱棱閣門封章

奏聖主 聖主曰咨孝哉女女之父罪可原宥之宥之
去荆門歸向蜀江爲良民嗚呼百男趨趨不如緹縈千
夫優柔不如秦休緹縈秦休皆英流于今又見奈西州

題謝孝子傳後

孝子嘉興人

馬錦

孝子生無顯名孝子死有信史孝子者誰謝厯山呼天
搶地嘗諸艱母溺水兒在岸兒急奔救心膽亂奮身投
入洪濤中負母出水兒之功父病逆旅兒往迎之有祖
在堂兒泣告之惡鬼擲掄不得施神靈左右相護持道
旁耽耽猛虎飢徒手而博如伏雌祝融肆虐父驚失色
援父出火是兒之力孝子孺慕六十年自始至終無衰

焉生難隆其養死乃表厥阡君不見煌煌綽楔榮考妣
俎豆春秋報禋祀嗚呼謝孝子

郟城婦

李旃

壬辰冬迄癸巳春填街塞巷皆流民中有老幼來叩門
一嫗鬢髮白似銀扶以少婦無完裙端肅之中有餘溫
得食便去言不煩尾而覘之負鄰牆老嫗中坐少婦旁
出飯僵僂進嫗嘗次哺諸幼殊安詳視婦所食吁可傷
稜稜穀穀充其腸使人對此矜糟糠問婦何來淚如霰
道是郟城舊鄉縣去年大饑骨月散間關獨與老姑伴
妾夫存亡不可知兩童了髻相追隨一童枯瘦一差肥

肥者小叔瘦者兒吁嗟此婦何其仁。已子不與小叔均。
何況事姑不有身。流離九死心彌純。須臾驚歎聞四隣。
糗餼餅餌投紛紛。約束兒童莫輕啖。惟道吾姑身苦辛。
家鄉回首三千路。羽山沂水知何處。一身溝壑何足憐。
忍使衰年飽霜霧。吁嗟乎此婦純孝今所稀。久餓不死
神扶持。吾儕何以稱儒者。起坐中宵汗浹衣。

崇明老人詩

讀陸清獻公崇明老人記
演爲歌謠便婦孺口誦也

錢泰吉

大哉 仁廟御宇萬物得其宜。胚胎元氣方茲茲。天
子以孝治天下。天下婦子皆熙熙。延陵老人爾何人。適
丁其盛樂。不可支。少年鬻子以療飢。分當生死長別離。

四子人奴亦蚩蚩。那識古有南陔詩。一朝乞身富家兒。
四間列肆如置碁。其中一間平不陂。五日十日於此進。
壽卮。老人九十九。妻生二歲遲。百齡夫婦猶齊眉。四子
並立諸婦隨。諸孫孫婦曾孫二十餘人。輩行無參差。伯
子花米店。米以治飯。花裝衣。有衣何必絹。與絲。簞中大
布。仲所治叔也。醢臠堪朶頤。季則南北雜貨。羅綵綵各
出其有。以供老人之所思。老人飲博無不爲。一串五十
錢。櫛中取錢。錢不虧。取錢入市任游嬉。有時遣人錢密
持。以付博徒翁不知。佯輸與翁翁持歸。烏虜四子之孝。
古難得。四婦之孝。古尤稀。蚤餐午餐晚餐。以次陳盤匱。

但願日日得見翁與姑。一日不見心不怡。烏摩老人爾
何人。乃獲上壽。又得是子。是婦。樂不可支。雲間佳士王
慶孫。親見其事。口述之。當湖夫子史筆垂。康熙二十二
年十月。旣望時。孤兒讀之。涕漣漣。此事足沁人心脾。演
以韻語。譜入笙詩。吹時惟道光十有三年。天子仁孝
聖母慈。郅治上。媿軒與羲萬物各得其所。如由儀願
天下子。事父母。婦事舅姑。皆如斯。

兒當歌

紀洞庭徐金霖孝行也。母嚴有心疾。恆不寐。命金霖歌不能則取唐人詩句抑揚抗

墜之又命之舞。則爲童子跳盪狀。亦終夜不寐。時孝子年五十許矣。

朱綬

兒當歌。兒不能歌。母命兒歌。不歌奈何。兒歌且舞。母心

歡喜母不歡喜兒跪不起背燈焚焚街漏疾下兒有母
侍誰如兒者兒鬚鬚鬚兒如嬰孩兒不能得母心嗟嗟
生兒奚以爲

漂婦歎

江濱有嫠婦夫死遺周歲兒有姑年人旬餘江漲陡發全家漂沒婦於水中覓得穉

兒將負之達岸適姑呼號過側婦惶遽勢不能兼顧遂棄兒挈姑出姑得生痛罵婦曰吾家單傳累世汝夫僅遺此襁褓兒我年已垂暮卽死亦何憾汝欲生我不以夫嗣爲重是斬祖宗血食皆汝也我奚用生爲言訖仍赴水死婦亦慟哭以殉余哀之而作夏之盛

茫茫巨浸連江涘孝婦倉皇挈姑起挈姑轉棄兒實出

不得已但行吾心所安而已矣

解

姑罵婦婦無語眼

前嬌兒去何所入險誰知出險苦嗚呼兒死姑亦亡留

此殘軀究何補

二解

無夫并無兒此後將誰倚無夫幸

有姑尚可遽死忍心棄姑延續似地下何以對夫子

勢難兩全總一是不敢怨姑祇懟已

三解

盡孝姑固重

存祀子不輕自來夫理皆人情漂婦雖死賢於生千秋

嗚咽江流聲

四解

楊氏兩孝子歌

楊入楊九山陰人居於杭為人肩輿得備值必以告母無纖豪私蓄

兩婦亦恂恂承順雖蔬食藿羹必又俟姑先食兄弟相友不徵逐儕輩

阿八買肉嚮阿九沽村酒勸母盡餐為母壽母也忻然

開笑口

一解

兒負輿竭傭力兒養親盡子職室中啞啞

無他人兩婦團樂侍姑側

二解

往年糴價昂兄弟默自

傷兒婦共縮食阿母飯有湯

三解

兩孝子幼讀書大義

暑明能報劬能報劬手足俱嗚呼遜讓慚士夫

四解

友悌

吳義民詩

稷山義民吳伯宗世爲農弱歲喪父母兩弟俱幼其少者爲人畧賣未幾其次

者又失去伯宗求之十餘年皆得之爲作是詩以告世之爲兄弟者

繆

沅

有弟有弟在巴巫天寒日暮道鬱紆山如劒鉞路崎嶇

瞿塘三峽妖鳥呼十年不得平安書義民思弟行踟躕

巴雲茫茫巴草枯欲尋無計空嗟吁誰知相逢在上都

憶昔一母生三雛虎兒墮地雄於菟牽衣繞膝伯仲俱

推梨讓棗爲歡娛可憐轉鬢遭髡徒痛定思痛心何如

兩人相弔形影孤有弟有弟醫無間漆身吞炭依穹廬
朔風如刀割飢膚馬通燹火延頭顱自甘沒齒爲人奴
義民義激思首塗寒江欲渡乘無桴嚴關欲過軍無符
狐裘不煖雪片麤何況單衫遮肝軀含情無語泣路隅
佃田聊復爲輸租始得伏匿藏單車渠魁據窟同負嵎
落身陷阱非良圖陳情憲府走檄拘弟兄血淚霑衣襦
鞞刀帕首雖睢盱義屈不覺辭囁嚅玉關生入行安驅
一時高義傳通衢至性純篤愧小夫客言庸行徒區區
吁嗟庸行今已無

前題

秦道然

民名伯宗其姓吳父母並喪遺三孤伯宗年甫十四五
仲季孩幼聲呱呱出則提攜入同處哀啼中夜隣人吁
一日幼者失所在徧求數歲終成虛次者無端又失去
晨夕哀痛淚眼枯同體三人身屬長致弟流落誰之辜
叩頭誓墓告父母尋弟不惜捐兒軀重趼山川厯幾載
是非錯互空馳驅忽從京師得其季已易數主爲人奴
主翁哀憐許相付俟得仲弟歸鄉閭逆旅忽逢舊都客
口傳仲信言非誣上言身從某年月爲人給至東海隅
地有流人作姦數掠得生口如貨居我今作奴直古塔
朝逐牛羊暮狼貙下言身已落陷阱心念鄉里難逃遁

我有阿兄能救我不異刃下完頭顱伯宗聞語心斷絕
便與季別登長途生偕仲還死永訣季在不至飢妻孥
遼陽更北數千里凝寒墮指風裂膚郊關禁嚴以計達
果得仲所如囚拘伯宗自念入虎穴其填虎口甯非愚
大帥去此僅百里往愬倘得擒兇徒 朝廷清明威令
肅朝投片紙暮得符符遣將領質其事罪人雖得情未
輸伯宗對簿忽起立將領怒視兩目盱眙筆交下血被
面伯宗侃侃氣益舒抗言奸人犯律令卻得平立言庭
除良民冤抑就伸理乃伏階下同囚俘民非敢與官長
抗黑白倒置理則無將領聞言遽愧悟奸人氣沮辭支

吾便白大帥令歸去死生哀樂分須與兄弟扶攜入

帝里其訝合浦還明珠 廟堂元老敦政本力崇五品

追唐虞鴻文大篇紀厥事登諸上座同璠瑜行看綽楔

表宅里永作 盛世人倫模

義卒行

客述州有某姓卒代兄戍滇余高其義作義卒行紀之時康熙五十八年二月

周永銓

慘慘堂前紫荆飛飛原上春令桓山之鳥欲去而哀鳴

苦哉遠征人陟山望親還望兄嗟嗟行役萬古情

解

彼少年者色何黯然娶婦未三月昨來黃紙到官行將

出戍南滇歸告阿母阿母叫天新婦口噤目眩悵悵不

能前

解二

小弟前致詞母兄且勿悲阿母生我二人兄

今有嫂未有兒何得遠去生死不可知弟當代兄役門

戶兄自主之

解三

阿母兄嫂聞言淚下如縷縻大兄前

致謝此事甚非宜感君區區懷我心已再思固知此別

異苦樂何乃反累弟爲弟切切相勸止但言兄嫂勿復

疑

解四

翻然出門去意氣何慨慷別我先人墓辦我行

子裝佩刀三尺餘挽弓三石強弓刀及戎服羅列東西

廂親戚走相送酌酒歌同裳

解五

晨興拜堂上骨肉相

悲切臨行囑兄嫂欲語復嗚咽但得兄嫂一心善事阿

母常喜悅萬里羈人慰愁絕

解六

收淚就長道關山別

思重白日結愁雲至情感蒼穹之子識大義行當早立
功歸報 皇帝陛下無煩遠顧蠻中揚名史冊垂無窮
解七

雷門吟

蔣士銓

餘姚有余霖四十老一矜謁我戢山麓涕泣悲不任謂
公具手筆乞爲雷門吟亡兄名余震雷門乃其字霖生
托遺腹母老欲拋棄兄嫂奪血胞兄怙嫂則恃母亡兒
六齡九齡兄授經魯鈍不可狀兄獨嘉其靈雨姊及笄
嫁一一飛脊令霖愚復多病二十奄奄形病則奪書笈
痊則還燈檠欲繼先子業恐傷子季情迴憶七齡時兄

予同病瘍戒嫂善視叔叔安兒可殤日夕嫂抱持兄子
擲於牀我啼嫂則泣我笑兄則歡三十受弟室旋入膠
庠間看我衣上綫嫂淚存斑斑檢我笥中書手澤兄黃
丹兄嫂六十歿合葬上林邨南山宋家嶼有我兄嫂墳
兄以貧廢學醫藥活千人活者慟兄死皆欲贖其身霖
困蓬蒿中懼掩兄嫂賢椎心泣血辭願公采斯言我爲
一書孝義可云止愧彼尺布謠用以光 國史

張義士殺虎歌

義士鞏縣人名繼倫弟爲虎攫倫奮斧殺虎救弟康熙三十餘年事

張九鉞

山祿蕭蕭白日昏飢虎出吼俚攫人村農倚壁叫號急

虎口呀呀據且蹲東來壯士競且武被髮大呼揮利斧
眼中見弟不見虎虎撲撲之如撲鼠山搖嶽撼快一擊
陷腦碎顱猛何益手從虎口提弟歸天清野曠腥風息
慈母撫摩賓客擁洗斧堂前堂欲動豈有神靈助疾威
由來血性騰奇勇留田之獸悲且鳴桓山之鳥不忍聽
以茲愧彼無良者早令搗面還搏膺

田生行

韓 對

商州武關鎮上有田生純若其字懷錦名暮歸讀朝出
耕室中黃口兒堂上白髮親其堂何名前州牧鄧名之
曰榮荆同堂兄弟二十人百口共飯無紛爭客至則或

春或汲或芻或薪更番奔走從使令與坐談腹便便史
與經古人之荆有枯榮今人之荆鬱哉長青青

封臂行

讀山陰潘石舟明府記其尊人占吉先生爲兄封臂事

吳上尊

嗚呼兄死我臂寒兄若不死甯使我臂殘臂殘止疾苦

臂寒摧心肝

解一

潛持匕首向高閣默禱神明肉作藥

肉一片藥一勺

解二

肉豈有靈心自誠人雖不知兄則

生但慰父母地下不知淚血之交并

解三

白髮兩妯娌

遺言說如此記中傳信不傳疑作記者誰是其子

解四

夫子辭讓繼產詩

夫子雁行中斷近被慈命以長房次孫偕余幼子兩續仲氏之

後夫子恐蹈自私之嫌辭所析田閨爲烝嘗地余高是舉慨然成詠媛馮

嫻

世風雖日降古道當復爲君家世孝友及君克振之君
幸承天眷堂有鶴髮姿安貧耕筆墨菽水薄無虧稽古
勝百城世紛何足縻鴻鵠翔寥廓俯視空塵泥相期固
清節罔較是與非敦茲廉讓行庶使薄俗移

附錄

鬱鬱詞一章

歲荒有兄不顧弟者爲此辭以諷之

鄭世元

鬱鬱紫荊樹枝條何紛紛本是一本生勿謂枝條分父
母生我時止有我弟兄與君雖分形血氣同一源予手
若創予足不伸予體不伸予心煩冤兄兮不相關誰知
予之燠寒

相彼鳴雁猶同其羣胡今之人不知有弟兄我視之弟

親視之子念我父母兮心熱而顙此

兄告饑三章

有兄老且貧告饑於弟弟不顧者傷之作是詩

又

弟爲大賈兄告饑北山采蕨南山采薇兄乏食弟食肉糜食肉糜弟口甘兄心酸

弟有食食輿僂兄乏食成枯骸一腹之隔不知饑腸日

日如轉雷親兄弟救我來救我來

末語出樂府

兄胡獨瘦弟獨肥弟胡獨飽兄獨饑可憐同生不同命不怨我弟怨我父母生我丁此時

東西家

方觀承

東家寡婦饑夜哭夫死甕中無一粟西家賓客召滿堂

選豔凝情盛絲竹。借問東家西家誰同堂。兄弟大功服
咄哉此事在衣冠。禮不云乎功廢讀衣冠。此事蓋有由
太傅東山壞風俗。君不聞宰夫揚鱗責調曠。悼子在堂
猶未葬。休論葛藟庇本根。鄰有喪兮春不相。

鄭燮孤兒行見憫孤門

尺布謠

錢維喬

昔聞上留田。兄死弟弗顧。如何骨肉誼。視之等陌路。譬
諸手足殊。特行用則互。何待相推擊。盡守已失助。粲
紫荆花榮枯。感庭樹同根不自恤。安論戚與故。

貞節

阮節婦詩

婦夫黃剛生具程彭時早亡阮無子翁姑以家貧勸改適阮年死靡他念翁姑

無倚生養死葬苦節三十年卒成厥志六十例當旌敘其大節於詩程啟朱

寒月照霜塗淒風吹斷梗弱植難久持勁節何能永至
性在空閨秉義獨淵靜良人中路捐一身罹咎戾豈難
以死殉黃髮莫存省以此守微軀晨昏自勉黽永言謝
鉛華蓬顏操臼井生事日以零况乃多凶眚飢寒甯復
辭庭幃嗟暮景長跪進藜羹勸慰聲悲哽鞠躬强承歡
有淚清宵隕舅姑相繼亡素旄空山引負土闢荒榛秋
墳哭月冷茹荼三十年孝節乃克盡垂白守衡門日暮
酸風緊

金環曲

洪昇

王家有女字秀文，少小綽約蘭蕙芬。項郎名族學詩禮，
金環爲聘結婚姻。十餘年來人事變，富兒那必歸貧賤。
一朝別字豪貴家，三日悲啼淚如霰。手摘金環自吞食，
將死未死救不得。柔腸九曲斷還續，臥地祇存微氣息。
詎料國工賜靈藥，吐出金環定魂魄。至性由來動彼蒼，
一夜銀河駕烏鵲。嗟哉此女貞，且賢項郎對之悲復憐。
朝來笑倚鏡臺立，代繫金環雲鬢邊。

李孚青棗巷見夫婦門

朱烈女行

烈女名典姐家于蔚州之西崖頭父農父也年十六許嫁千字村人蘭州廝康

熙四年甫聘而州廝暴死訃至女方春穀輟春
慟哭欲以死殉父母慰解之已而乘其母出裂
蘭氏所聘羅
數尺縊死

朱彝尊

紅羅持作帕素練持作巾何必合衾幃始爲同心人宋
氏有女典生長蔚州之野西崖之山年紀十五餘許配
千字村村民蘭州廝大義結夫婦忽登泰山錄人壽不
得久女方曬穀聞之聲悲哀長跪告父母兒當從黃泉
下信誓旦旦不可乖父母向女言尊章爾未事慎勿捐
形軀相保親父子各各還室中涕淚終不止月正三十
日其日二十三日從東來奄忽墮西南闔門夜無人
女向空庭坐攬我素練巾接彼紅羅帕徘徊寢室旁自

挂中門下父母啟視哽咽不得言觀者四方至歎息日
暮還童童暗嚶側乃有松柏林誰言寸草莠乃有松柏
心

沈烈女詩

女吳縣人字黃于庚未嫁夫亡父母議改適女卽自縊以救甦自是縞素棲一

樓鼎革時兄欲攜之避兵女曰死固吾分遂絕粒死黃氏迎柩合葬又

吳趨沈氏女許嫁黃小同墨車雖未迎媒妁言已通黃
童抱羸疾十九年命終沈女得凶問淚落如泉江布總
箭筈壑喪服治衣工上樓不下樓顚顚縣春冬含辛桂
枝蠹食苦蓼葉蟲父母勸之嫁女悲經樓中須臾救復
活自誓永不雙獨居三十年兵革俄乘墉全家盡逃匿

女仍守樓窗結我裳與衣輟彼殮與饗一笑歸黃墟之
死何從容層層虎邱塔下臨松柏桐兩家謀合葬龜筮
咸相從小字書新銘白石沙磨驚雙飛化蝴蝶並蒂生
芙蓉往來游冶女視此馬鬣封

弔周烈婦

萬經

天地有正氣綱常藉人扶當其志所激弱女勝丈夫四
明濱巨海潢池肆樵芻象邑當厥衝殘賊甚剝膚婦也
冰霜志詩禮爲楷模倉卒走避賊從夫出闔閭弱質旣
窘步況負六月雛夫婦不相保踉蹌各奔遁事勢在危
迫死生決須臾舉身赴清流不復憐呱呱一死祇自全

含笑歸冥途荒荒白日黯慘慘寒雲鋪數日俱含殮顏
色腴不枯健兒盡膜拜聞者咸歎吁嗚乎烈婦心豈爲
聲名圖巾幗留正氣身死名不徂會當紀彤管國史他
年書

楊貞女詩

向璿

丈夫七尺空昂藏不及女子多剛腸爲看吾邑楊貞女
妙質天成無與比少年經史嘗披閱每見忠貞氣凜烈
父爲許字高家郎鴛枕未諧夫先亡氏方聞訃淚交迸
辭親欲往臨擗踊撫尸一慟幾欲絕宗黨傳知盡淒切
翁姑慰藉至再三茹荼含藥如薺甘終身自守共姜志

血淚成詩枕間刺朝朝麻枲不辭勞并曰無非身自操
養生送死力不贍竭蹶曾無毫髮欠更念夫亡嗣未延
撫摩猶子意纏綿一生艱苦眞備歷鐵石心腸永不易
噫嘻大節在深閨母儀婦道兩無虧於今甲子餘六十
幽光直比星與日吁嗟吾輩復何顏碌碌虛生天地間
我爲此歌百感集懦夫聞之應起立

沈烈婦汪夫人輓詩

金 澐

婦人不幸喪夫子只此兩途而已矣前年隻燕去年來
昨日孤鸞今日死死固不易生亦難炎風苦熱朔雪寒
忠臣殉義士殉名意氣彌重生彌輕君不見上爲紅鹽

下爲滷一杯可使入千古

吳節婦詩

袁枚

郭氏女吳門妻撫孤中夜聞烏啼談何容易孤成立東

風又折瓊瑤枝

解一

上有老姑下有孀婦如影隨形

災孤露忽然祝融災嘻嘻出出走無路

解二

孺人聳肩

負阿姑阿姑頽邁驚且呼肩重如山蹠躩趨

解三

炙及

額燒及裳心知有姑痛已忘姑雖免死身亦爛音聲啞

啞若吞炭

解四

婦乃被髮泣涕再拜北斗旁願活我姑

賜我方果然姑夢若有神焉吹以清風飲以甘泉一朝

病已壽考遐年

解五

于今姑婦皆已令終長孫入泮家

國朝詩錄

卷二十

貞節

五

風隆隆似此姬姜我聞亦寡敬作歌詩俟采風者

六解

光山樂府九章爲胡母甘淑人作 蔣士銓

溫溫胡公春官侍郎賜杖懸車歸老于鄉三子兩婦相繼亡蘭摧玉折公心傷 心傷奈何冢婦是依曰甘夫人寸艸春暉公有副室夢蘭一枝男子之祥熊與羆翁四載失兒兒更育兮兒四齡無母母誰鞠兮嫂上事翁兮下撫叔兮叔四齡而孤兮嫂哀哀而哭兮 朝出負土芻纍纍夕入翦鐙影離離叔不學嫂心悲周易函書翁所遺舉以授叔從經師 叔學成矣叔可婚矣叔子生矣兄祀存矣叔旣官矣嫂心安矣叔祿千石矣嫂

頭白矣 光山人訴于官甘節婦守節二十年官上其事承 皇宣峩峩坊表光山邊節婦之心金石堅節婦之名日月懸 節婦死六載 覃恩大褒封叔秉臬於吳戚然憂見容陳詞請馳贈血淚達 九重壬辰六月朝命從淑人淑人眞禮宗 膾 誥章焚其黃墓木拱矣奠椒漿叔列五鼎嫂弗嘗叔也悽惻心旁皇松柏蕭蕭碑碣香女貞樹接天蒼蒼賢哉廉使一疏千古可以風天下昭來許傳寫萬本書萬部稽首編之新樂府

天長江烈女歌

又

泗水鳴咽流中有烈女魂死立泗水中白蓮香氣氤烈

女父江錫純烈女夫羅維藩夫遽夭女未婚雍正改元
歲天長萬戶同見聞父家夫家無可恃女生守貞不如
死天長之人不敢忘乾隆癸巳請建坊烏庠士未食祿
可從賊引經翻笑江家息

黃烈婦詩

又

死爲黃氏婦生是喬公女妾名鍾齡卽熙寧二十而嫁
兩月寡身入夫棺人弗許人弗許妾心悲死則同穴生
何爲妾幼讀詩書胸有經傳香昔慕曹娥殉親于江慕
宋伯姬蹈火不下堂妾爲處子屢瀕於死天留妾身今
復何俟父官河東母歸淮南舟覆惠濟盡室風潭母弟

未出妾先出骨肉其命妾死甘妾豈畏蛟龍再躍驚濤
中手攬兩衣裙餘生幸相從父官河南河決楊橋危城
剩三版衆命如萍飄妾衣已密紉得正焉可逃再爲河
伯遺妾命多堅牢堅牢亦何益妾死終莫辭未知有生
樂不如下從曹娥宋伯姬開我百福匳獻我八寶簪請
翁營壽藏下慰熙寧心熙寧苦無嗣當立小叔子叔長
宜早婚庶得抱孫喜空房計時日夫亡閱三旬喚婢具
蘭湯浴我松竹身浴罷向空拜自挂何從容五城十二
樓笑躡雙鸞蹤乾隆年歲壬辰六月十七天大暑有司
請旌 朝命許吳淞江徹底清上海烈婦孝且貞詩成

拂拂清風生

張節母詩

爲鉛山張湖妻黃氏作

又

生於黃適於張夫未冠游上庠年廿七夫病疋妻乞身
代夫竟亡投繯入井不可得引頷觸地生何望撫孤難
死節易任厥難妾無嗣小姑有女叔有兒妾撫育之婚
嫁之孤兒漸長老姑死寡婦獨存復何恃兒娶婦婦生
孫孫歿婦歿兒亦淪母遭此阨可以死天殛神罰憑誰
論母不死泣于天妾志堅天無權妾夫何罪至於此宗
人有子卽夫子繼我子繼我孫枯芝再稊續本根啞啞
庭中烏頭白猶將雛雛今返哺烏已老七十之年心力

槁張郎有後餘生了吁嗟乎鄉人自請 朝廷旌節母
焉知千古名。

陳烈婦吟

婦山東人睦州守趙公起
杲姬也公卒婦即日殉焉

吳 騫

青青百尺桐枝葉空紛披哀哀彼烈婦視死忽如歸憶
昔離青齊行行指吳越當君牽絲時是妾委身日升堂
辭阿母再拜慘不歡戚里共來集遠送之河干使君從
門來車騎何雍容結以青玉佩貯以綠綺牕室中何所
有錯落難具陳流蘇入寶帳四角垂錦茵頭上金雀釵
耳邊明月璫初七及下九挾瑟上高堂高堂深且廣參
差蘭蕙發浮雲從東來白日忽西沒之江不可逾五馬

徒跼蹐君命畢茲夕妾生當何如掩我妝時鏡著我嫁
時衣渺焉一孤魂誓言長相依骨埋桃花塢郡東婦
葬處血
染桃花土桃葉復桃根誰知我心苦

張貞女詩

韓是升

女未廟見死歸葬女氏黨明文載禮經未嫁豈容往夫
死而守貞例不旌門榜張女秉志堅許字姓恥兩聞喪
絕水漿飲泣意悽惘阿父諒女心改節勢難強衰絰歸
陳門篝燈事績紡操勵清霜嚴懷澄皓月朗夫綱同君
綱道在不可枉當其矢志初焉計破格獎始終心不更
大義炳天壤

沈母節孝詩減膳分燈二章

金兆燕

爲沈樹聲母錢太恭人作嘗有句云減膳朝供飯分燈夜課詩紀其實也余因作此二章

今朝幸有飯不作無米炊且供衰年飽易忍季女飢捧
敦匱具饘粥二老歡然各饜足獨入空房自束腹

母縫裳兒誦聲琅琅虛窗其此寒燈光書囊筆牀鍼線
箱一簞相伴秋夜長他日華釭照甲第萊公堂上堆燭
淚牆角休將短檠棄

貞烈王仲姑詩

又

吳郎年十五仲姑年十七兩家結絲蘿鴛鴦未成匹
仲姑聞郎死衰麻欲往哭祖母曰不然爾身猶未屬

解一

解二 仲姑入室歎願影悲其身身既不許往願終往以

魂三 吞粉不得死再服黃金珥心已同金堅身難其

金毀解四 求死不可得仲姑自撫膺解我腰間絲畢命

朱絲繩解五 絲繩復絲繩再結復再解四顧無死法安

能復久待解六 向人求死方日日作死計一旦獲死所

仲姑歡然逝解七 逝者何茫茫同穴歸山岡死義非死

恩不得譏嫁殤解八 雙阡表墓門大書勒貞石吳郎年

十五仲姑年十七解九

徐烈婦詩烈婦吳氏毘陵徐鑑可之妻鑑可客游

之泣告死狀心疑之既產一女閤七日鑑可旋里婦得因問絕飲食翁命人衛之密卒投閤

自刺死里中蔣丈東
委爲立傳並徵詩

程晉芳

蠟磯水駛如弦急昨夢尋君磯上立惡浪粘天不見君
山峯排劍猿猱泣連宵復夢君歸來告我永訣沈泉臺
覺時燈火澹無影羅幃颯颯風吹開朝來想像心然疑
含酸未忍垂涕洟縱教妾命薄如紙君無死相甯遭危
君雖不諱吾難隨腹中熒熒慮是兒何況殘更夢顛倒
卜錢鏡聽無凶詞可憐彌月還生女暗祝耶歸頻抱汝
冷驛荒山返一棺呼天泣血天無語妾心已死妾能生
鴻毛未敵身命輕吳刀一刺委瓊玉九泉路黑從君行
是日寒冰沍川谷疾風怒號鄰巷哭秋衾紅袖共孤墳

樹影連蜷雙鳥宿吁嗟乎撫孤守志甯非賢勁氣所激
無兩全割膚滅鼻古人事以此較烈何愧焉矢詩匪以
垂女史鐵石腸堪勵男子。

磨心潭歌弔三烈婦

諸暨顧英奇妻石氏顧綱未
婚妻姚氏顧宗妻張氏婢蔡

氏順治間避賊四江匯賊及之
同赴潭中死賊駭驅馬返焉

陸以誠

君不見磨心潭大阜屹立至今在三人一心動天地四
水東西常不改當時避賊江心灣二人已入泥淖中一
人後至恥獨全潭邊泥濘力扶出月黑葦深恐復失賊
炬紛紛照如日誓天矢志躍入潭貞烈凜然鼎足三相
顧駭愕賊回驂嗚呼妾有心終難變磨千轉心不轉月

照潭心心共見

樓居吟

吾友童鹿庵少失怙其母撫孤守節不下樓者十有五年

朱彭

江干老屋樓三楹以木支拄防欹傾童母守節子未立
家無儲粟空瓶罍鄰有老嫗亦早寡惻惻都是孤寒者
爲言苦節當同貞一居樓頭一居下牀前設靈帷牀後
然土竈鎮日坐樓頭樓下跡如掃驕陽當窗欲燦金我
心如雪暑不侵北風中人欲砭骨我身如松凍不折夜
來獨對青燈孤呼兒攤書依坐隅頻縫阿母手中綫爲
憐兒體寒無襦一女襁褓泣呱呱中宵遺溺相叫呼敲
冰濯遺冰刺膚十指龜拆血模糊起視爐中宿火無兒

呻母吟聲淚俱獨茹荼苦十五載。吾友始得爲通儒。嗚呼此節誰能如。嗚呼此節誰能如。

石門蔡貞女辭

徐吳念

語溪水清如醴東流繞郭至西河。貞女特產西河里。纔協于飛卜中道失其侶。上堂別父母誓欲從此去。聞父母言心益苦。欲止負夫欲去傷父。一腔熱血齊傾吐。見廟而還方爲婦。貞女拜姑嫜何忍分明剖。依然女子宛然孝子姑有慰言甯惜一死。嗚呼貞女不言病不言命。但得踐姑言未亡人事竟。

女貞枝根忽折望夫山石欲裂二年鵲血帶啼痕清操

直欲凌冰雪嗚呼生不同衾死則同穴君不見東西松
柏樹交陰至今暗抱貞女魂風蕭蕭雨冥冥日出當空
照見妾心

趙烈女詩

女名銀姐父母早歿該兄以居字同里
蔣氏甫聘而蔣病卒女聞自經死兄悲

之爲治殯歸其柩
于蔣惜未請旌

王德浩

雌鳩有定偶孤鸞不重匹惟彼烈女心誓死當從一或
絕魯人求乃作黃鵠歌或無楚使符乃浮長江波湜湜
谷湖水天目清流漱吾鄉趙氏女生長兩峽岫同里有
蔣氏足稱清溪風一絲以爲聘身歸太嶽東夭壽乃不
貳修短固隨化丙辰建子月天孫頃促駕凶音入女闥

慘然心如擣闔戶入房中薄命捐草草夫逝二十二其
日二十三人間失鳩侶地下隨鸞驂丹旄明落日驅車
招貞魂玉埋雙峽間瑩光千古存

武康節母吟四章

徐雪廬母周瑞人家貧夫亡苦節自勵教子成名平湖胡瘦山

作詩四章載於宋咸熙耐冷譚

胡金題

補松脂

纖弱纖弱冬寒夜作草屋一鎗弱青血赤血漉漉手龜
坼鎔松脂光似珀補得松脂夜將半十指蒸蒸氣如汗
啜豆屑

鬻破屋借人屋鬻屋葬夫棺借屋迎母同承歡一升米

一鍋水浙粒奉母母色喜撥餘糜揉豆屑野田菜和糜
啜但願兒飽讀父書甯辭貼錢草屋居

里正簿

斗米珠珍榆皮草根餓死猶自可乞憐羞殺我官家賑
飢憑里正立簿鉤稽注名姓蒙袂輯屨哀哀乞命前溪
一千戶盡入里正簿獨有徐家母十日甑封忍餓守

廉吏金

兒授經多脯修贖屋奉主徐與周名日重成均貢廉吏
愛才樂捐俸見金母色喜色喜爲廉吏爲我置棺埋我
骨我骨可朽名不滅

台肥李烈女歌

李遇孫

古來忠孝節義人其人已死靈不滅毅魄常留天地間
襁豈波詭而雲譎皖江烈女更爲奇迄今追述猶嗚咽
戴生未娶病瘵亡潛啼暗泣志已決此身誓不字二姓
忽有姁來偏饒舌是夜投繯氣遂絕舊襦淚漬皆成血
姁來作弔燒紙錢紙錢飛燒姁衣裂家貧薄殮送郊原
不向戴家請同穴有戚不忍擬易棺默禱殯宮奠芳醪
歸家空梁聞嘯聲儻有影分供一瞥急備衣衾無敢慢
發棺面色如生色香風藹藹松楸間時越廿日天更熱
嗣是靈顯不一端豈爲神兮歸仙列烈女姓李合肥人

彼都人士皆心折今春來作剡溪遊果亭大令詳爲說
烈女大令之族姑請我作歌表芳潔芳潔錄入省志中
千秋萬世昭棹楔古來不少節烈人烈女之烈爲奇烈

徐烈婦詩

婦蔣氏邑中談太守家婢配僕徐成生
一子殤乾隆乙丑十二月夫死爲盡償

其逋而葬之郭外
逾七日乃縊死

徐以泰

珠不受泥污金或雜沙聚地勢豈足論輕重在自取矯
矯蔣氏操捐身得未睹結褵旣六年獨結百年苦夫在
早哭子淚流漲兩乳子死隨哭夫淚血紛如雨無夫復
何依無子將誰撫然猶殉從容曲折安其父賣衲償宿
逋買松種新隄凡事夫之事一一手自部事完人亦完

七日身化上烈哉談家婢不識字猶愈書此告鬢眉蔣氏已千古

巢湖烈女詩

巢湖漁人女字李姓未嫁夫歿女不食數日遂投湖死屍泝流至李氏門

而止因合葬焉
女年甫十歲

石 鈞

比目不孤游鴛鴦共棲止妾已許字君結髮固終始妾未嫁君先死妾心日視巢湖水奮身波濤神鬼泣泝至夫家表貞潔不得生相逢所願死同穴曹娥十二抱父屍逆流而上真神奇漁家此女年更少殉夫烈志能行之從此節孝兩相擅泰山之死人欽羨銜哀不比築青陵作誄終然愧黃絹

割耳謠

吳中千戶某卒於官妻以子邵南薰幼不獲死割一耳納千戶手

千戶婦播人口千戶死王事攜孤哭道右妾志何由明
割耳納君手淚痕血痕流滿顏從今拋卻黃金鑲賣鑲
鬻釧兒勤撫鬢髮蓬飛敢辭苦妾耳在君手君心繫妾
思心耳相通不相隔人間消息君應知

吞金吳烈婦墓

許宗彥

烈婦之心金百鍊七死七生心不變膽瓶可碎腸可割
身與瑠璃同皎潔此事距今百廿年墓門荒草埋秋煙
清光如月不可蝕暫晦終顯甯非天觀者太息行者止
高坊道左還依然前有檢討毛銘以片石文中豪後有

學士梁大書七字鸞鳳翔表微自是君子性殺身豈博
姓氏香面孤山背葛嶺此坊此墓合共湖山永 皇嘉
慶年龍壽星修墓者誰吳之後裔河其名

節孝張母王孺人詩

又

楓涇水清瀾瀾楓涇鄉節孝里里中張氏有母操行甚
高美伶仃弱歲自王育於張唐蒙寄生松柏之旁隨大
婦奉高堂使助造孝且良敬事夫子不敢矜容光舉子
女教育有方夫子病沈篤哀籲乞身代鬼伯不見省使
我寸心碎上有白髮鬢髮之老姑室中女君甚矣憊持
門戶大不易身不可亡忍痛強自力龜勉有無進甘旨

姑年九十婦心乃喜賢哉節孝母如古敬姜布裳操作
勤女功撫嫡子同所生事亡如存豐潔烝嘗春秋上冢
如覲姑嫜葬夫子及女君高墳若防穿土其側自爲藏
同穴大義章章賢哉節孝母三十喪夫子金玉自守天
矜苦節報以福厚身見五世年過八十世希有子孫濟
濟門業茂歸於其室如釋重負作歌詒之彤史傳不朽

謝貞女詩

呂承恩

女未廟見卒歸葬女氏黨旣未成爲婦其鬼將安享其
姜賦柏舟我儀髦尙兩之死矢靡他守志厥初仿聖人
情爲田怨曠兩不强旣無重婚罰焉有未婚賞可守不

守間。真誠發慨慷。咄咄謝貞女。逸志同雲上。緬彼委禽
時。津門雲莽蒼。傷懷歌采芣。充飢拾栗橡。逝者不如今。
妾身猶是曩。君舅宦粵東。南歸迎雙槳。始識沈郎門。未
識沈郎像。新婦未亡人。拜而后稽顙。無何翁又隕。一落
真千丈。竭來母家居。齊箒勤績紡。卅年集荼蓼。可厯不
可想。嗟哉女貞詞。讀罷心忽朗。譬如奇男子。雄心翦夔
魎。方其抱血誠。天地爲震盪。譬如隱逸民。高風振林莽。
方其甘肥遯。宇宙覺寬廣。譬如戒行僧。定識伏龍象。方
其持嚴律。邪穢都滌蕩。又如佔畢儒。屈志守盆盎。方其
績苦功。才名終骯髒。怪哉一身兼。乃在貞女榜。禮經無

明文嫺嫺競宗仰於例未得旌在聖必加獎

宋咸熙耐冷譚曰昔歸熙甫以女子未婚守貞爲過禮朱愚庵尤悔庵兩公非之非之是也蓋婦人從一而終不以死生易其志此古今通義也自非秉性堅定不能有是而世儒猶有妄訾議者此詩持論明通使熙甫見之亦應首肯

徐書受乞者妻行見夫婦門

劉貞女詩

松江劉全姑字徐驤雲驤雲死匿不以告全姑已知之時母亡父老病妹幼全

姑養老鞠稚身兼其勞父疾篤語以壻死當別字父歿全姑曰曩所以不卽死而者徒以老父在耳今將奉我母於地下遂自縊死

吳振棫

客言有貞女氏劉居松江徐生昔納采載書歷遐邇一且珠樹折鸞鳥不得雙父懼傷女心父懼不以告女心

測其故女面以淚沐是時女可死女曰死何速女當衰
親奉女當孤_世鞠竭蹙供一餐十指血出漉父病出治
命父意欲活_之青青者女蘿曷不施兔絲是時女可生
女曰死已遲_反袂訣阿妹地下阿母隨蒼天何高高日
月何晶晶彼女何嫋嫋貫之以精誠貞風發慙喟幽光
動崢嶸全軀歎薄俗全姑全其名

吳貞女詩

又

吳貞女家皖桐字子姚曰仲容姚翁殂蓉繼亡女請易
服往執喪衆人尼之心同皇東豪門西貴裔聞賢聲覬
納幣女知之絕食飲非死非生偃而寢父曰已矣汝勿

惻余不汝強孰汝逼女聞蹶起搏顙謝聞者感歎淚橫
臆七年閉關人不識惟有日月照見女顏色嘉慶歲戊
寅十有二月月上旬素車御歸姚氏門上堂拜衰姑下
堂撫孤兒姑今有孫夫有子得死亦足窮奚辭惟山崔
崔下有玉女心視茲葆其璞我歌此詩風肅肅

題魏英姑截指圖

英姑倉伯孝廉女字同里李升
元李旋歿倉伯不使女聞而求
姻者輒至女暗截食指寸許母見血痕殷袖驚
問之曰兒將長齋故斷指自誓耳母稔其情保
護備至道光壬辰五月事也至八月女疾誦佛
而逝倉伯命納斷指於袖以敘并告於李李迎
柩合葬焉倉伯繪圖徵詠

夏之盛

淚眼結血指裂一寸瑤蔥勁截鐵此指可折心不折

解一

血漬襟袖紅淋漓同穴皆冥歸何時截指還父母遺

體原無虧

二解

女也婦何殊迂儒口莫哆自來奇節本

一誠不然剗鼻刳臂胡為者

三解

指之截惟義烈子死

孝臣死忠女子殉夫同一轍嗚呼英姑之行真英絕

四解

斷結行

嘉慶丙子邳州大飢村落有劫者劫新婦車奪釵釧衣囊盡將去和和帶為多結邳

俗壻解結新婦伴語結易斷耳界我刃授刃遂搥胸而死

朱 綬

緼爾寡女絲彈我斷結行斷結者為誰邳州新婦不識

姓與名冬十一月雞狗鳴紅瓊車子來親迎親迎奈何

當此日邳州大飢人不得食

一解

新婦辭六親掩涕上

車去此日邳州人食人娶婦親迎一何遽

二解

馬在前

車在後披紅瓊娶新婦新婦車大道口民耶盜耶刃在

手夫婿倉皇棄車走

解三

新婦前致辭胡乃迫我爲汝

曹利我有脫我腕釧拔我頭上釵虎狼眈眈側睨人肉

新婦白璧軀安能坐受汝曹辱求死不得當如何結帶

解帶心咨嗟

解四

心咨嗟新婦志已決結帶復解帶好

言斷帶當斷結持刃來持刃來白日炤耀青天崔魏愁

甘寸寸剗婦骨婦身有心心有血

解五

彼飢者民何爲

乎令牧不恤災新婦罹此辜昨聞中丞造賑冊吁嗟乎

新婦不聞表貞石

解六

建陽過山

勸節也

建陽目婦人再難爲過山

鄒志路

過山非故山莫過前山去山上同心花山下相思樹相
思相合年復年同心一意金比堅團圓樂明月有時缺單
鳬寡鵲彈么絃節不可移山不可徙但過此山有如白
水

林烈婦輓詩

婦曾氏夫亡許以身殉家人阻之聞於縣令委曲喻以舅在宜養乃不死

後三年舅歿喪葬畢遂絕粒十四日而卒

閩媛陳皖永

盡瘁十年婦未亡三載人倡隨原誓死侍養暫留身殉
節方完節求仁已得仁九原含笑去無淚更沾巾

此詩載杭郡詩輯讀續輯又載烈婦臨終詩其序較詳序曰烈婦曾如蘭福建長樂人同邑林邦基室寓家仁和婦嫁十二年無子姑歿夫以毀卒許夫以殉投纆者再翁諭止不聽以殉節事報縣請存案縣批

曾氏宜代夫盡孝速為立嗣翁乃為立後烈婦又自
為帖投縣云夫亡尚存兄弟侍養今立嗣是又有子
矣前許身殉夫乃含笑而瞑負前言何面目見夫於
地下哉特親叩求縣又批宜撫孤成立待翁壽終乃
踐前言則所全實大嗣子可取名光節縣令捐俸十
金書孝節雙全四字表其門烈婦不敢廢命越三年
翁歿喪既舉告妯娌曰吾今可以踐諾矣遂絕粒不
食沐浴更衣拜辭天地祖宗山所銘金九吞之正襟
坐索紙筆賦詩後書林門曾氏如蘭臨去題擲筆仰
項而瞑夫亡于康熙癸未殉節丙戌七月其詩附後

曾如蘭

鏡裏菱花冷三年淚未乾已終姑舅老復嘸雪霜寒我
自歸家去人休作烈看西陵松柏下夫婦共盤桓

烈女孫秀姑詩

烈女錢唐人幼歸楊文龍為待年
婦鄰有閭士積畷其貌有鑽踰之

謀女恐甚調鹽水中飲之而
死撫軍題旌置士積于法

又陳皖
永

不共春風桃李場
蘭馨幽谷隕秋霜
紅顏翻作生前累
白骨空留死後香
四海文章聚聚貴
千秋俎豆藻蘋芳
人逢聖世皆麟鳳
委巷閨娃也異常

女貞篇

金山丁氏女寶慧字婁邑馬德璫未婚夫
歿如齋守貞後聞其姑有疾涕泣請于母

願歸馬氏母乃告于馬備禮迎之
侍邁姑惟謹立從子爲嗣已能文戴書芬

女貞木獨抱孤貞完太璞
靡他之死柏舟篇高並懷清
挹芳躅我昔悲歌黃鵠早
兒纔繞膝女在抱懸絲一綫
苦撐持茹檠飲冰怒如擣
讀女紀畧殊感傷拜手濡墨
重賡揚女貞之花何輝光
女貞之節凜冰霜奉姑立後
持門戶弱齡卓見高千古
守義豈必定捐生同穴從容

誓黃土。麻衣煩母親結襦。此事於古曾見之。君不見花
帝不雙鸞影。寡羅靜以身託亡者。

怨歌

闕玉

玉仁和人貌端麗能詩文父亡與母及兄嫂居
順治初元有萊傭以訛言選女誘玉匿其家事
既息母將攜玉歸傭則曰女已獲壻大郎主之
矣大郎者玉兄沈也初沈父付沈百金爲玉嫁
資沈以狹邪蕩盡其妻慮他日收斂費欲藉訛
言早遣之傭因以數金餌沈求爲其子擔糞者
娶玉時許之母慟哭向沈索玉沈且以速訟恫
喝母時玉年十三在傭家待年號泣欲歸傭言
曰汝死吾家鬼將安歸令玉執炊餽豕鈕泥時
灌足去簾約頭如蓬葆迨疾甚始放歸玉曰兒
死願埋父棺側不作傭家鬼也復嚙齒曰兄嫂
陷我語未畢氣絕死月餘沈妻及二子相繼死
皆見玉現形縛之去玉之歌辭善琴周西生
譜其聲曰闕玉操事詳毛稚黃小匡文鈔

父生我兮中道逝母煢煢兮門衰粹兄嫂難與居兮決
我如目中之塵沙伊又邁此佻巧兮胡廷我之實多彼
要予以桑中兮夫豈其爲予之匹雙我有母兮瘋思泣
血我父而有知兮怒衝髮我兄摩挲傭之金兮骨肉相
蔑嫂旁睨兮笑言啞啞我憤氣兮如雲指漆室女以爲
正兮又告夫司命與湘君子不愛一死兮又悲速阿母
之下世願死而有憑兮爲凶之厲嗚呼哀哉我終死兮
魂獨歸去明告我母兮幽告我父匪我夙夜兮胡然遭
此行露也縱謂多行露兮甯能我之污也重曰嘉名爲
玉父之命兮幽辱冀壤終保貞兮憂思悄悄淚淫淫兮

蒙此忍詬日當心兮

補甲平湖劉烈女

諸生劉某女七姊潘俞照塘
寓乍浦殉夷難投水

海上捲腥波三軍孰枕戈深閨拚一死正氣壯山河慷

慨捐軀志從容授命歌三從知不朽大節繼曹娥

按林昌彝射鷹樓詩話云明季賊陷京師婦女遭辱
性殉節之家賊不得入其婦女得免似有神明護門
事見計六奇明季北略可知知忠孝節烈鬼神所護此
其明驗林松門詩云正氣塞天地神明嘗護門洵然

國朝詩鐸卷二十終

國朝詩鐸

卷二十

貞節

七

孝行補

題邱端孝先生孝行圖

先生名存禮長洲人雍正四年旌表

吳嘉椿

讀經得解

先生幼孤讀論語事父母能竭其力句掩卷而泣時僅七齡師異之

朝入塾暮入塾一篇論語讀爛熟事親竭力聖所傳琅琅歸誦慈親前事母未事父掩卷心悲酸

鮮菌奉親

母氏茹素終身喜食鮮菌先生親入山采取以奉

飲冰茹蘗母之志野菌亦爲母所嗜入山采采盈空簞得加餐飯兒心安蔡順樵孟宗笱與此鮮菌同不泯

遺金還主

母疾先生延醫畢橋路得遺金立俟失者還之

母疾兒煩憂延醫畢橋頭橋頭璀璨見何物一寸遺金

不盈笏知爲人所遺坐候主者還與之嗚呼先生之孝
衆所稱卽此細事人鮮能

躍浪扶舟

母櫬舟次胥江風作幾覆先生躍入水風卽止

舉親櫬渡胥江舟輕河廣濶浪撞孝子拜水風不息拚
棄此身水中擲飛廉斂迹波臣驚一棺不動河流平

廬墓三年

先生葬母後廬墓並手植雙柏至今樹茂人謂之雙柏墳云

安窆聊盡鮮民心結廬傍墓師山陰秋霜與春露三年
永孺慕至今里黨稱道之行人指點雙柏枝

刻木肖像

先生孺慕終身刻親像於堂上朝夕侍側

欲事親親不存刻木肖像如平生出必告像前入必侍

像側惟有色笑不可得衣襟上有斑斑血

貞節補

讀歸震川貞女論

許楣

未嫁許更字守貞任所安先聖制禮義不强人所難志
苟堅從一豈在結褵間紛紛革除際守死有不官必謂
女可二遺民何稱焉

按此章持平之論不墮一偏與前呂承恩詩宋咸熙論台

雲間姜節婦詩

嚴錫康

辰山百丈勢崒岬淞江千里水澄澈九峯三泖名勝區
有婦偏能樹卓節生小名門女誠嫻二十二齡褵甫結
懿行淑德鄉里稱自古賢媛許同列一旦烽烟捲地來

暗泣璇閨淚如血慷慨捐軀靡有他漉漉清流葬玉骨
烏虜庚申之夏賊至吳迭陷五州未一月守土殉者得
幾人爭似節婦氣烈烈彭君伉儷情彌殷述事徵詩徧
吳越天章指日下丹闥咸見旌閭標綽楔一婦殉節
何足奇斯世綱常賴提挈辰山山高淞水深巾幗英靈
長不滅

題李貞母像及祠堂碑記卷

吳嘉椿

貞母顧住花橋里字者迂村人姓李未曾清水作鴛鴦
一夕飛霜折連理母聞凶耗心自傷從一有志明綱常
繡襦手斷不復用素車往弔稱未亡康熙戊寅秋八月

貞母身歸李氏室上堂拜姑雙淚流以襦拭尸還自拭

母聞夫故以手斷繡襦歸李氏臥室與姑連腹背侍養以襦拭尸還自拭面網之棺中

晨昏子職代嗣子幼弱防愚癡課讀以母兼父師守貞

三十七年久笑歸地下同白首嗚呼生不同室死同穴

未嫁與嫁心無別何必責刻据禮文聚訟紛紛襲陳說

鄧尉山高香水清鳥頭綽楔 朝廷旌李家節母孝且

貞守祠況有賢雲祔千秋遺像拂拂清風生

持論與呂許詩同

忠臣補

襄勤伯鄂虛亭中丞

容安

輓詩

袁枚

聽築長圍幾萬重將軍匹馬獨臨戎天山掃雪兵猶戰

青海題烏帳已空拜表淚留秋草上彎弓弦斷夕陽中

男兒欲報君恩重死到沙場最善終鄂參贊征西海歿於王事

前上哭祭提督李忠毅公祠 阮元

粵海間天接燧烽大星如斗墜殘冬一生精氣乘箕尾

百戰功名稱鼎鑪死後人知真盡命生前帝許得崇

封至尊震悼廷臣哭早有孤忠動九重

誰使孫恩賸一船非公追不到南天公擊蔡牽于粵海牽惟剩單舸逃入

安南遠探蛟穴五千里苦歷鯨波二十年隔歲過門皆

不入公連年在海不歸卽歸亦但在乘潮徹夜每無眠

雅之若與牢之台早見澎臺縛水仙

六載相依作弟兄節樓風雨共籌兵手中曾擊千舟盜

海上如連萬里城公與元所共擊滅政散如水澳鳳尾補網賣油七都等鄉前後不下千艘

絕吭原知關氣數寄牙早已斷歸情公喉間被礮盡在洋嘗封所落齒寄

夫人蓋以身許誰憐伯道終無子好與恩勤待館甥公無

子襲爵者族子也女夫陳大猷從公久知盜情余奏留浙補甯波同知

甯上重來特建祠舊時部曲竟依誰鈴轅月冷將軍樹

提督署在甯上泮水苔深叔子碑公修府學自撰碑文記之如此置身真不

恨何爲齋志也休疑麥城竟合關家識彷彿英風滿廟

旗公出師時禱于甯郡關帝廟占得詩句云到頭不利吾家事留得聲名萬古傳

塾江丞李宸禦賊殉難詩

徐念高

半旅提戈去，眞成革裹屍。千軍全避賊，一倖獨擎旗。主

休人先報官，忘我尙卑功。名傳史冊凜凜見，須眉

吉祥寺弔甘忠果公

殉吳三桂之難事見前

葉名灝

古寺瞻遺像，孤忠弔國殤。張巡能饗士，莊蹻敢稱王。血

灑滇西暗魄依，關北長英風。吹不散鐘磬，莽淒涼

公殺安

哭副總戎韓公

加業詩

龔景瀚

林昌彝詩話云嘉慶元年川楚匪熾，總戎宜綿以龔海峰先生參軍事。先生與參府韓公帶勇追殺紫陽安，康境內大小米谿賊匪，賊逼沔縣，調至陽平韓公出勇良將也。新募兵無律紀，公獨戰無援，遂死。先生哭之。

仁嚴勇智世無倫，倉卒行師志未伸。

陽平防兵皆新勇，無紀律，倉猝將之。

一死自償酬 聖主九原應不愧嚴親公尊人以把定

軍山上雲常冷諸葛祠前草不春公死處距武坐地灣

弓猶殺賊紛紛鼠竄彼何人公馬蹶墜地僕急易一馬

去何之盤膝坐地上拈弓矢殪公揮之去口此吾死所也

賊執旗頭百一人從卒皆先逃

十載交情骨肉親余令平涼公署年年戎馬共艱辛余

宜制府公為翼長願傷心伯子方分袂公兄至漢中一

厄回首高堂更愴神母年八漢上列屯悲大樹漢中兵

無不涇陽舊部泣遺民公任靜甯都司及裹屍馬革君

何恨我為 朝廷惜此人

吳林文忠公公奉使征粵逆 陳偕燦

八桂干戈日三朝社稷臣登車猶力疾拜表已忘身出處關天下安危繫此人何當悲薤露遺恨滿征塵

天地黯無色原頭夜落星一身完大節九死出邊庭會公

戊西古驛燈微碧芳郊草自青故鄉遙隔處風笛咽郵

亭

三將軍歌

陳公聯陞陳公化成葛公雲飛道光庚子辛丑壬寅間皆以禦夷寇力戰歿于

陣余聞人述三公事作歌

張維屏

三將軍一姓葛兩姓陳捐軀報國皆忠臣英夷犯粵寇氛惡將軍奉檄守沙角奮前擊賊賊稍卻公奮無如兵力弱兇徒遂擁向公撲短兵相接亂刀落亂刀斫公肢

體分公體雖分神則完公子救父死陣前父子兩世忠
孝全陳將軍有賢子葛將軍有賢母子隨父死不顧身
母聞子死數點首夷犯定海公守城手轟巨礮燒夷兵
夷兵入城公步戰鎗洞公胸刀劈面一日劈去鬪愈健
面血淋漓賊驚歎夜深雨止殘月明見公一目猶怒瞪
尸如鐵立僵不倒負公尸歸有徐保陳將軍福建人自
少追隨李忠毅長身經百戰忘辛勤英夷犯上海公守
西礮臺以礮擊夷兵夷兵多傷摧公方血戰至日昨東
礮臺兵忽奔散公勢既孤賊愈悍公口噴血身殉難十
日得尸色不變千秋祠廟與人建我聞人言爲此詩言

非一八同一辭死夷事者不止此闕所不知詩亦史承
平武備皆具文勇怯真偽臨陣分天生忠勇超人羣將
才孰謂今無人烏虜將才孰謂今無人君不見二陳一
葛三將軍

題陳忠愍公化成遺像

陳偕燦

昨夜將星落吳淞水不流忠魂蘆港月鬼火戰場秋鄉
國同殘劫朝廷念故侯海邊展遺像怒氣壓兜鍪

射鷹樓詩話又采晉江陳頌南給諫慶鏞是題摘句
云君不見陳老佛手執紅旗呼戰士以一當十皆奮
起礮聲人聲震百里夷人當之皆披靡火輪辟易不
敢駛自卯接戰已不止衆軍環視失角犄况復潰散
無律紀敗軍之將公所恥整飭孤軍氣倍蓰日皆
盡裂髮上指力殉疆臣報天子惜未見全篇

關忠節公輓歌

諱天培廣東提督道光辛丑殉節虎門

朱琦

颶風晝捲陰雲昏巨舶如山驅火輪番兒船頭擂大鼓
碧眼鬼奴出殺人粵關守吏走相告防海夜遣關將軍
將軍料敵有膽略樓櫓萬艘屯虎門虎門粵咽喉險要
無比倫峭壁束兩峽下臨不測淵濤瀧阻絕八萬里彼
虜深入孤無援鹿角相倚斷歸路漏網欲脫愁鯨鯢惜
哉大府畏懦坐失策犬羊易制終難馴海波沸涌黯落
日羣鬼叫嘯氣益振我軍雖衆無鬪志荷戈卻立不敢
前贛兵昔時號驍勇今胡望風同潰奔將軍徒手猶博
戰自言力竭孤國恩可憐裹尸無馬革巨礮一震成

煙塵臣有老母年九十。眼下一孫未成立。詔書哀痛
爲雨泣。吾聞父子死。賊更有陳連陞。炳炳大節同峻嶒。
猿鶴幻化那忍論。我爲翦紙招忠魂。

定海知縣姚履堂

懷祥

殉難詩

又

公侯官孝廉大挑浙江知縣道光辛丑英夷竄入
縣援兵未至公投北門外成仁塘死事 聞卹廕

定海縣濱海地瘠民甚苦。縣小無兵不可守。縣中居民
無千戶吏民勸官去官曰。死此土虜來益衆。勢倉黃官
投之水。成仁塘如此好官。我慘傷。問知侯官人頗云能
文章。一子予蔭襲。我爲紀其詳。大書定海知縣姚懷祥。

朱副將歌

各桂浙東副將
辛丑拒逆殉節

又

將軍名桂其姓朱膽大如斗腰圍麤願縛降王笞鯨奴
臨陣愛騎生馬駒傳聞甯波新失利大帥倉皇欲走避
公橫一矛踞帳前此輩跳踉那足畏我有勁兵人五百
自當一隊往屠賊大兒善射身七尺小兒英英頭虎額
鋒合頗能搦其旗蛇鳥指畫天爲低紅毛叫嘯番鬼啼
總戎胡爲先遁走我我蛟門棄不守槍急弓折萬人呼
裹瘡再戰血模糊公拔鞬刀自刺死大兒相繼斃一矢
小者創甚臥草中賊斫不死留孤忠是時我兵鳥獸散
月黑漫漫天不旦中丞下令斷江皋亂兵隔江不敢逃
敢有渡者腥吾刀

王剛節公

錫朋

家傳書後

公事蹟見島夷門

又

皇帝廿一載逆夷寇邊陲定海城再陷三總兵死之其一鄭國鴻其一葛雲飛公死尤慘烈寸磔無完尸親軍數十騎鏖戰同燼灰先是裕制軍仗鉞往誓師余督爲掎角三鎮受指爲要害議分守險艱安敢辭甬東僻海陬烽燧苦新罹流亡招未復怪鴟啼蒿藜荒郭背厓砦曉峰何嶽崎竹山障其南仄徑窮烟霏兵法忌阻隘技擊無所施戕戕九安門獨力誰能支公率壽州兵帳下多健兒列柵據峯坳彼虜潛來窺我兵壁壘堅無從抵其巖賊退攻竹山巨礮轟崩雷相繼破曉峯旗靡車輪

摧公乃急赴援事已不可爲鄭帥斷右臂裹創強撐搯
張目猶呼公陽陽如平時葛陷賊陣間血肉膏塗泥或
云沒入海振臂登危巖舉火發礮車反攻欲設奇一酋
自後至剗刃裂腹臍惟時海色昏頽雲壓荒陂公棄所
乘馬短兵奮突圍前隊旣淪亡後隊勢漸危相持已七
日援兵無一來公死復何憾公名日星垂昔年戰渾河
厥功銘鼎彝平獠邊蠻疆奪螯居前麾鯨鯢坐可屠何
論鼠與狸命將惜非人措置乖機宜傳聞祭纛日公潛
語所私吾已辦一死此行必不歸後竟如公言失策那
可追大帥奔甯波招寶旋傾頽同一委溝瀆可憐損國

威颶風吹怒濤羣鬼紛笑嬉鈔略浙以東比戶驚鼓鼙
挈家競竄逐遠望氣慘悽老弱僵道旁婦孺走且啼稍
喜劉中丞鎮定安遺黎東南困征輸江淮半瘡痍奈何
縱夷舟順流通南畿用兵今兩年我 后日嗟咨旣苦
經費絀又虞民力疲專閫成空名文吏習罔欺寇至軍
已逃兵多餉空糜頗聞陳將軍戰歿江之湄歸元面如
生大名與公齊世論泥成敗事後多詆譏若公等數輩
使建大將旗進可殲凶鋒退必堅藩籬何至貽隱憂歲
幣爲羈縻我心戒潛啟邊備毋遽隳 國家重武略忠
義懷前徽死事例議卹優典極寵綬謚公以剛節祀公

有專祠公名曰錫朋傳者宣城梅我爲補所遺長歌告

子悲

此篇先從林昌彝詩話錄刻後見怡志堂稿有刪節處

孝行又補

題喬孝廉

崇烈

餉烏圖

孝廉寶應人居父子靜侍讀喪每泣則庭烏盡下禹

鴻臚爲畫此圖孝廉後成進士入翰林

朱彝尊

烏鳥啞啞東西樹子得食兮哺其父于思于思淚如注
惜烏尙有反哺時塊獨煢煢守邱墓

烏鳥啞啞樹東西迴翔下上不得栖飢來肯啄庭中泥
日食孝子一溢米墜廬共爾長悲啼

都門對月有懷

黃紹芳

慈烏巢庭樹啞啞啼夜闌中庭見明月明月何團圓流
暉共千里遊子憐獨看清晨故人至出見具衣冠爲言
二親健持示雙琅玕長跪開緘讀語語摧心肝不言親
念苦但道兒心寬高堂未白髮喜汝邀微官非貪升斗
祿潔我苜蓿盤芙蓉耐霜冷松柏凌歲寒所期報君
國勿作兒時觀慈親示家事宛轉含辛酸兒勞理案牘
努力加飯餐北方多風雪憂兒衣裳單語長讀未竟涕
泗何由乾離家日已久耿耿懸寸丹嗟哉遠遊子悲歌
行路難遠遊缺甘旨此職誰能殫蹉跎閱歲序魂夢縈
征鞍不如菽水樂貧賤無所干微禽知反哺出入脩羽

翰農家力田子朝夕供瓢簞鴻雁正南向惻惻來雲端
懸知倚閭望見月思長安家園隔閩海阻修道路漫願
言侍左右采我陔下蘭庶幾潔白養藉以承笑歡明發
不能寐怒焉起長歎

貞節又補

馮景

割雙耳詩

閩縣諸生林國奎妻鄭夫亡守節夫叔

又爲謾言投其子書篋中氏大怒又割右耳氏父
訟於官下中丞杖文芳血臂荷校示衆時夏旱是
日大雨俄而氏雙耳復生蓋
天顯奇節也此乾隆間事

五事配五行禮聽尤所重世人豈不聰於卦爲耳痛古
有洗流人恥受莠言貢何況冰雪姿無端集罷訟謾書

千餘言鴟首羽聲聞白刃夜飛霜浩氣塞天空一割復
再割雙耳棄如封鬼神鑒精誠江河助悲慟刻肌俄復
息今古誰伯仲桓穆王凝淒亦爲姦所中賴此百鍊剛
生氣肅羣動奄奄蜍志輩百骸備無用